

Akayëta and Andodakel aṅ Lilaya in

Ar yëgwëk akayëta aṅo an Šaṅ këno wăcënd. Bend kë űatëgu ecan ecan gër ngwën beṅ yëgw ko ang wăsindëra baṅo Axwën Yesu ak. Eni kemënaxën gër ekwëta yëgwënaxën babi okëreceṅ ok gayik asoro bani sorond në end Yesu Kërisët. Amëd aṅo, anëyali banëbi nëyalind bela bën eno calend Emun end Bërom eṅ, bari abani wă na eni di mondako. Akayëta aṅo kë sëyalind mëne Kaxanu afenin fenin këbi bacosa bakëbënaxik bër kë xemënalind ekwëta ed xwëta këno bën, do gë bër kënebi lawëra në end andiyen andexëm bën. Er ex gër akayëta in:

Ecëma ed bamara banjongëbaki el: 1.1-8.

End owun or Kaxanu do gë or Axwën Yesu eṅ: 4.1-5.14.

End beñigënaxik benjongemat do gë bulunda iwënëk eṅ: 6.1-7.17.

End eñigënaxik enjongekinëm do gë okerelon ocongibat eṅ: 8.1-9.21.

End ikayëta ind meleka do gë otede oki eṅ: 10.1-11.19.

End Sindan do gë bulunda ir Kaxanu eṅ: 12.1-18.

End bandixa band bemacar eṅ: 13.1-18.

End oyëkan or bëwënëk do gë kiti ind kë yowënd eṅ: 14.1-20.

End beñigënaxik do gë betëm eṅ: 15.1-16.21.

End kiti ind bër këjo wërelind Kaxanu eņ: 17.1-19.21.

End owun or bëniy wëli eņ: 20.1-6.

End kiti ind şabucara do gë ind bëşësëk eņ: 20.7-15.

End ngwën ingaşax do gë omakaw ond Yesu eņ: 21.1-22.21.

Lilaya in

¹ Gër akayëta aņo ex bendey bend nangën këjo Yesu Kërisët në ofakeli Şaņ, ariyenin arexëm beņ, and lawënëgu këjo meleka irexëm gër ndexëm aņ. Kaxanu nangën baņo beņo ebi tëfëtanaxën bëriyenin bërexëm bën eni nangaxën mëne gogo kë ĩatëgu. ² Ata Şaņ ex ar reyak osede olo an, gë đek bend wat baxo beņo, do Yesu Kërisët rek mëne eyeyan ed đal ed Kaxanu dëņ ex. ³ Nëngandëralebi, ar kë fënënd an, gë bër kë baxëtënd, do kë sëfënd eyeyan ed xaniwëk gër Kaxanu bën gayikwa gogo kë ĩata.

End bamara banjongëbaki eņ

⁴ Wëno Şaņ këņun yëgwënëlınd wën bërëwëk bër ex gër bamara banjongëbaki band gër ebar ed Asi bën. Ar hik, hi bax do ko yelind an, yëlëleņun oyekax ol do gë obetak ol. Bangoc banjongëbaki band ex gër lëngw ir añëpara and owun orexëm baņ, ⁵ do gë Yesu Kërisët, mëņ ar ex sede ir mokwëta an, aņanar ar xanik gër ecës an, do emun end bemun bend gër ebar ro eņ, yëlëlenun oyekax ol do gë obetak ol!

Yesu Kërisët, mëņ ar ĩan këbo, racët këbo gër beņëņenax bendëfi gë oşat orexëm an, ⁶ do ar

bar këbo hi këne gër owun orexëm an, ar ri këbo bëshadaxan bër Sëm irexëm Kaxanu an, xwënëk din ir din enjaran enj do gë panga inj! Amen!

⁷ Nëkoyino ga ko fedawënd gë banjar banj: Ala ar ex yo awat këno wat, ado bër xwës banjo bën dënj awat këno wat do dek benëng bend ex gër ebar ro bej, arenita këni ýana eni denitand në endexëm. Iyo, amen!

⁸ Ata Axwën Kaxanu re ko: «Wëno ex aýanar an, wëno ex afelatar an. Wëno ex ar hik, hi bax do kë yelind an; wëno ex ar xorëk beý dek an.»

End ecanaya ed Axwën Yesu enj

⁹ Wëno Şan, abaýe irewën hi këme, ga bar këne gër toro, gër owun do gër ekemënali ed end Yesu Kërisët. Gër oşir or këni wacënd Patëmos hi bame gayik afemëra këme femërand eyeyan ed Kaxanu enj, do ga këme reyarand osede or Yesu enj. ¹⁰ Ata fedaw ko Angoc Amënëk an gër ndam, yatir oganjar. Wël këme oniŵ ang ofarix or kereloj fo gand epoy edam ¹¹ ga kë re: «Er këy watënd in, ñëgwël në akayëta do ey dawëneli gër bamara banjongëbaki banjo: Efes, gë Sëmirën, gë Perëgam, gë Catir, gë Sarëd, gë Filadelëfi do gë Lawodise.»

¹² Ata ga şena këme mowat ar baxe yeyanelind mondako an, wat këme ofambo od kañe. ¹³ Do mërëxand ir ofambo oko, wat këmo ar ang asëniŵ ar ala. Er şudfa baxo ocud od gëşëc do xapa baxo apëxw and kañe gër emëkw. ¹⁴ Omban ond gër gaf irexëm oñ feşëk ang gwëtene fo, ang okëbina fo, do bangës banj kë

ÿegënd ang eñan fo. ¹⁵ Osapar orexëm oñ kē watind ang yawale ir fētēk nē angodux fo, do oniŵ ol kē rēmēnd ang oÿēm fo. ¹⁶ Ala ajo, lēkaya ko gēr ataxan and liŵ oŵal ocongoxi, gēr etēÿ edexēm ſanēguk duxuma ir fēco añak fēco añak, do dēxas in kē ÿegënd ang eñan gē dek panga indexēm ak. ¹⁷ Ata ga kēmo nēkon, wēc kēme kērud gēr osapar orexēm. Ata ñēmba ke gē ataxan and liŵ añ do re ko: «Kērey yēdara na! Wēno ex aÿanar an, wēno ex afelatar an, ¹⁸ wēno ex abēngw an. Aſēs ſēs bame barikan gērēgako abēngw eme din ir din. Wēno lēkayak bacoketaya band ecēs, do gē band wur ir bēſēsēk bañ. ¹⁹ Awa ñēgwēl de er wat kēy in, gē er ex in do gē er kē bētēgu in. ²⁰ End oŵal ocongoxi or wat key gēr ataxan and liŵ andam eñ do gē end odambo ocongoki od kañe eñ cēñ, nēkod er ŵacayak in: oŵal ocongoxi oñ exēni bēlaŵēnel bēr hik gēr bamara banjongēbaki bēn do odambo ocongoki ok ex bamara banjongēbaki baño.»

2

Kayēta ir Amara and Efes in

¹ Ñēgwēnēlo arolawēn ar ex gēr Amara and ex gēr Efes an:

«Baxētēl er ko rend ar lēkayak oŵal ocongoxi gēr ataxan and liŵ irexēm in, ar kē yexērand mērēxand ir odambo ocongoki od kañe an. ² Anang nang kēme bandixa bandey bañ, andiyen andey añ do ang xemēna kēy nē endam ak. Anang nang kēme mēne wēj ayēbi

buñanënd na bësëmbak bën, bête ari ri këyëbi atëy bër kë rend oparëxanda hi këni bën, ata sək këyëbi mēne bënëgwëš exëni. ³ Wëj mo buña buña këy, motoro soro këy në end oŵac oram, bari axi cena ex na. ⁴ Barikan wëno emat fo šuseli këmi: ga seḅ këy eḅal edam el ang baxi balënd gër ŷanar ak. ⁵ Kwital gër ed xëyëtayaw këy. Nëngwëtal ex ola orey ol do bakanël bandixa bañanar bandey bañ. Angëmēne ay nëngwëta ex na đek đek, ata këmi yenëli, mi kan lambo irey in gër ed xwët këy. ⁶ Barikan añaneli ñaneli këmi ga šus këy bandixa band bër enga end Nikola bañ, ang šus këme wëno ak. ⁷ Awa ar gë anëf an baxëtëlexo đe end këbi felënd Angoc and Kaxanu bër ex gër bamara eñ! Ar kë xor an, ayël këmo yël exo yamb odëwërëwën od atëx and aniyān and hik gër arāyēn ok, gër ed exo Kaxanu.»

End kayëta ir Amara and Sëmirën eñ

⁸ Nëgwënëlo arolawën ar ex gër Amara and ex gër Sëmirën an:

«Baxëtël er ko rend ar ex añanar do afelatar in, ar šës bax do xani ko gër ecës an. ⁹ Anang nang këme toro indey in do gë oxañën orey ol (xarak wëj ar gë napul hi këy!) Anang nang këme ang këni renarand ak bër kë rend Bëšëwif exëni, xarak ani gi ex na Bëšëwif: amara and Sindan exëni. ¹⁰ Toro ind ki wëcan in, kërey cam na. Šabucara in wa kë ri enëbi tëra bërëmar gër ndewën na do enëbi mēla gër epëra. Mondako këñun hi atëy, do en toro bakey epëxw. Kemënal gër ekwëta ed xwëta këye xali gër ecës, ata këmi

šos gë aniyan and din aŋ. ¹¹ Awa ar gë anëf an, baxëtëlexo de end këbi felënd Angoc and Kaxanu bër gër bamara eŋ. Ar kë xor an, kërëxo yëda na ecës ekinëm el.»

End kayëta ir Amara and Perëgam eŋ

¹² Nëgwënëlo arolawën ar ex gër Amara and ex gër Perëgam an:

«Baxëtël er ko rend ar lëkayak duxuma ir fëco añak fëco añak in. ¹³ Aye nang këme mëne gër ed lëg këy hik añëpara and owun or Sindan aŋ. Barikan wëj alëka lëka ki oŵac oram ol do abayi bayi këy ga xwëta këye. Ado abayi bayi këy ga xwëta këye gë bakey band law këno gër ndewën na Aŋëtipas, sede iram ir xwëta bamo baŋ in, fën gër ed lëg ko Sindan. ¹⁴ Barikan wëno bendey exëna bend šuseli këmi: ga xwëtaya këyëbi bër kë sëfënd osëyali or Balam bën. Mëŋ ex ar sëyali baŋo Balak mondake këbi lënan eñëŋenax Bëyisërayel an. Ga šoñ babi wa eni yamb ŷas er oyel or ħaš kënëbi gër olaš eŋ do eni kwënda asëk alakirand fo in. ¹⁵ Axwëtaya xwëtaya këyëbi bëte bela bër sëfëk bend këni sëyalind bër enga end Nikola bën. ¹⁶ Awa gogo këmi yenëli angëmëne ay nëngwët ex na ola oreŷ ol. Do bela bëjo aŵereli këmëni wëreli gë duxuma ir kë šanënd gër etëŷ edam in. ¹⁷ Awa ar gë anëf an baxëtëlexo de end këbi felënd Angoc and Kaxanu bër gër bamara eŋ!

«Ar kë xor an, ayël këmo yël eyamb ed šonayak do këni wăcënd man el. Ayël këmo yël bëte ekaŷ epešax ed gër ed ŷëgw këni oŵac

onëngwët el. Oŵac olo ar yël këno an fo kë nangënd, ax gi ex na ala ašëxe.»

End kayëta ir Amara and Catir eŋ

¹⁸ Nëgwënëlo arolawën ar ex gër Amara and ex gër Catir an:

«Baxëtël er ko rend Asëñiŵ ar Kaxanu in, ar gë bangës band ang xodux or xafa-xafa an do ar gë osapar or kë yegënd ang yawale ir lëxw këni gër xodux an. ¹⁹ Anang nang këme bandixa bandey baŋ, gë aŋana andey aŋ, gë ekwëta edey el, gë andiyen andey aŋ, do gë ebuŋa edey el. Anang nang këme bëte mëne bandixa bandey band gërëgako baŋ yëmbëk gë baŋanar baŋ. ²⁰ Barikan emat fo ex end šuseli këmi eŋ: ga xwëtaya këyo Isabel, asoxari ar kë rend alawënel hi ko an. Xarak në enambeli ebi bëriyenin bëram bën ga këbi sëyalind eni kwënda asëk alakirand fo in, do eni yambënd yäs er oyel or űaš kënebi gër olaš eŋ. ²¹ Asebën sebën këmo amëd exo nëngwëtaxën dek dek ola orexëm ol, bari aŋo ñandi ex na exo teb asëk alakirand fo in. ²² Wëno ošëxwëra or këŋo ren në angaw këmo lapan do eni toro mbaŋ mëŋ gë bër këni rind orekar bën. Angëmëne anëngwët nëngwët këni ola orebën ol do eni teb beŋo, abi gi na eŋo. ²³ Alaw këmëni law obaš orexëm ol eni nangëraxën dek bamara baŋ mëne wëno awat këme watënd er ex gër yomb ir ala in, do gë er ex gër emëkw in: banjëlan baŋ do gë oñandi ok. Do awaš këmo űaš ala kala er riyeni ko in. ²⁴ Barikan wën dek bër bayik na gër Amara and Catir, bër ax tef ex na osëyali osëmbak olo bën,

din an cala ex na en nang bend këni w̃acënd
 “Beconëşon bend Sindan beŋ”. Ga re këme,
 edëbi ecëxe amun dëbin na. ²⁵ Barikan fo er
 şot kën in, dëkayayin aye xali me yeli.

²⁶ Ar kë xor an, ar lëkayak andiyen andam xali
 gër eŋata an, ayël këmo yël owun ol gër
 benëng dek. ²⁷ Gë xwëlekwële ir owun ir
 ex dun këbi ŷana ebi kadacënd

do ang këni nëtënd ofeya fo këbi ŷana ebi
 nëtënd. ²⁸ Ang yël ke Faba owun ak, ar
 kë xor an ayël këmo yël wëno bête amal
 and oxeya aŋ.

²⁹ «Awa ar gë anëf an, baxëtëlexo de end këbi
 felënd Angoc and Kaxanu bër gër bamara eŋ!»

3

End kayëta ir Amara and Sarëdes eŋ

¹ Nëgwënëlo arolawën ar ex gër Amara and
 Sarëdes an:

«Baxëtël er ko rend ar gë bangoc banjongëbaki
 band Kaxanu in do ar lëkayak ował ocongoxi
 an: Anang nang këme bandixa bandey baŋ; aye
 nang këme mëne bela bën aşëkw këni şëkwënd
 ga këni yëland abëngw ey xarak aşësëk ey.

² Perënal do kemëindëbi bër kë re ex cës bën.
 Awat wat këme mëne bebër këy rind bën ax gi
 ex na şenene gër ogës od Kaxanu, mëŋ ar xwën
 ke an. ³ Kwital ang wël këy do w̃a këy eyeyan
 ed Kaxanu ak. Kwëtayal do nëngwëtalex dek
 dek aniyän andey aŋ. Ang arek fo këme yeli,
 Angëmëne ay perëna ex na. Ay nang na apëxëd
 and fe këme yeli mi pënga. ⁴ Barikan bërëmar

gër Amara and Sarëdes na, ani buyarën ex na banjëm bandebën baṅ. Bën banjëm bapeşax baṅo këni şudfa ang wëno ak mi tēfëraxën gayik aṅap ṽap këbi. ⁵ Ata ar kë xor an mondako këno şudf banjëm bapeşax. Oṽac orexëm ol din ṽëgw këme, ame pëxwëc na gër akayëta and anıyan. Oṽac olo, afel këmëni fel Faba Kaxanu, do gë omeleka odexëm ok. ⁶ Awa ar gë anëf an, baxëtëlexo de end këbi felënd Angoc and Kaxanu bër gër bamara eṅ!»

End kayëta ir Amara and Filadelëfi eṅ

⁷ Nëgwënëlo arolawën ar ex gër Amara and ex gër Filadelëfi an:

«Baxëtël er ko rend Awënëk in, ar dal an. Ar lëkayak acoketaya and Dafid an. Ar kë fërëtënd do ala ax kor na exo përa an; ar kë fërand do ala ax kor na exo përet an: ⁸ Anang nang këme bandixa bandey baṅ. Afërëtën fërëtën këmi ebët ed ala ax kor na exo përa el. Gayikwa wëj alëkaya lëkaya këy eyeyan edam el ado bayik axi nëmb ex na ojaṽ ok. Ay yaxëta ex na oṽac oram ol. ⁹ Ayël këmi yël bër gër amara and Sindan bën, bër kë rend Bëşëwif exëni xarak ani gi ex na Bëşëwif: anëgwëş këni rind. Wëno kë ri eni yeli, eni poxi gër osapar orey, do eni nang mëne aṅan ḡan këmi. ¹⁰ Gayikako aṽa ṽa këy ga re këme ey buṅa gër toro, wëno dëṅ ki xaxa këdi ki wëcan toro ind kë yowënd gër ngwën iṅ, ebi dixën atëy dek bela bër gër ebar ro bën. ¹¹ Wëno gogo këme yeli. Dëkayal aye er şot këy in, këdi ki xan ala acosa and angora aṅ.

¹² «Ar kë xor an, xëcar ko hi lëf gër Aciw̃ and Kaxanu, bëte din axo can na. Gër mëñ xëcar ijo këme yëgw oŵac or Kaxanu ol, gë or angol andexëm ol do gë oŵac onëngwët oram ol. Angol aņo ex Yerusalem ixaşax ir kë xaniw gër Kaxanu, elod yaņ gër orën in. ¹³ Awa ar gë anëf an, baxëtëlexo de end këbi felënd Angoc and Kaxanu bër gër bamara eņ!»

End kayëta ir Amara and Lawodise eņ

¹⁴ «Ñëgwënëlo arolawën ar ex gër Amara and ex gër Lawodise an:

«Baxëtël er ko rend ar ex däl in, ar ex sede ir mokwëta enim an, ar ri këni gë Kaxanu ngwën an: ¹⁵ Anang nang këme bandixa bandey baņ. Awat wat këme mëne wëj ay yem ex na, ay yëka ex na. Ndakaņ ey yemëdo wa, ba ey yëkado wa! ¹⁶ Gayikako mërëxand fo hi këy, ay yem ex na, bëte ay yëka ex na, asëp këmi sëp. Ay bo na gër etëy edam. ¹⁷ Awa gayikako are këy rend: “Yama wëno ar gë napul an nde, anëka beta këme, obal axe gi ex na.” Bari wëj dëņ ay nang ex na mëne anëka xata ki, ar moñaŵ ey, axayënaxik ey, aşiwëk ey do ar tëb gë eman ey. ¹⁸ Mëñ këmi felaxënënd ey yow ey yëc kaņe ir wënën këme gë xodux in, ey gixën ar gë napul. Yow ey yëc banjëm bapeşax, ey gixën ar şudarak, mëñ këy rëxëtaxën aşëfën ir tëb gë eman in. Bëte yow ey yëc bëşan bër këy xoş gër bangës ey watëraxën. ¹⁹ Wëno, dek bër han këmëni bën arexëra këmëni rëxërand, bëte awëresët këmëni wëresëtënd. Awa kemënal gë emëkw edey el dek, do nëngwëtël aniyan andey

aŋ! ²⁰ Awël nde, wëno gër ebët xwëša këme do këme sëmbënd. Angëmëne ala exe wël do exe përetën ebët el, alil këme lil mi yambëra, wëno gë mën, do mën gë wëno.

²¹ «Ar kë xor an, axetëna ke xetënađ gër añëpara and owun oram, ang xor këme wëno do xetëna këmo Faba Kaxanu gër añëpara and owun orexëm ak.

²² «Awa ar gë anëf an, baxëtëlexo de end këbi felënd Angoc and Kaxanu bër gër bamara eŋ!»

4

End añëpara and owun or Kaxanu eŋ

¹ Ga xucak eŋo, wat këme fol ebët yaŋ gër orën. Ata wël këme ang ofarix or kereloŋ fo, oniŵ or ar yeyaneli baxe gër ŷanar ol ga kë re: «Yow yaŋ ro, mi masin bënd kë fiatëgu ecan ecan beŋ.» ² Ataŋ, Angoc Amënëk aŋ fedaw ko gër ndam. Wat këme añëpara and owun yaŋ gër orën, do ala ga ŷëpaxën ko. ³ Ar ŷëpak an ko watind jing-jing ang ekaŷ ejekax ed këni ŵacënd šasëp do gë ed sarëdëwan fo. Do šandiŵ in ga fëlëk añëpara and owun aŋ kë watind kal-kal ang ekaŷ ed emërod fo. ⁴ Ata xwët këni jey gër añëpara aŋo, bañëpara band owun alapem gë banax. ŷëpaxën këni bëxarëk alapem gë bënax ga šudaraw këni banjëm bapešax do šëxwaw këni oxamote or kaŋe or owun. ⁵ Ata gër añëpara and owun and mërëxand kë wingarand, kë wëhind odiŵ, do gë bongëbër bond ekëman. Pađ gë añëpara aŋo kë fioband odambo ocon-goki od ex bangoc banjongëbaki band Kaxanu

ok. ⁶ Gër lëngw ir añëpara and owun aŋo bëte hik anjer, and kal-kal, ang anangoye fo.

Ler gër añëpara aŋo, xwëšara këni bebëbëngw bebënax, bëjo mërëxand, bëjo jey, do hi këni yer bangës fo: baŋo gand lëngw, baŋo gand epoy. ⁷ Ebëngw eŋanar in hi ko ang yëraŋ fo, exinëm in ang engaś fo, esasën in ang dëxas ir ala fo, do enaxën in ang šambat ir kë šëgënd fo. ⁸ Bebëbëngw bebënax bëjo hi këni ala kala gë obafe ocongibat, do eman eŋ yer bangës fo: amëlëfëlëf do gë amëfacëfac. Ciś wec këni ÿëwërand mondako:

«Awënëk, Awënëk, Awënëk exo Axwën Kaxanu, mëŋ Ar xorëk beŋ dek an, mëŋ ar hi bax, hik do ko yowënd an!»

⁹ Do bebëbëngw bën, and këno yasënd ar ÿëpak gër añëpara and owun në end enjaran, do gë or gapak orexëm eŋ, do and këno šëkwënd aŋ, ar kë liyand din ir din an, ¹⁰ bëxarëk alapem gë bënax bën eni poxi gër lëngw ir ar ÿëpak gër añëpara and owun an, ar kë liyand din ir din an. Do sam eni cëxwëta oxamote or owun orebën oŋ eni kwët gër lëngw irexëm, do eni dend:

¹¹ «Aŋap ŋap ki Kaxanu, wëj Axwën arefi an, wëj xwënëk enjaran eŋ, or gapak ol do gë panga iŋ, wëj rik dek beŋ bën, gayik aŋandi ŋandi ki rixën këy dek bebër hik bën.»

5

End anobo do gë akayëta eŋ

¹ Ata gër ataxan and liw̃ and ar yëpak gër añëpara and owun, wat kême akayëta. Oñëgw ok er hi bax oko amëlëfëlëf, oko amëfacëfac. Asabinan sabinan bani bapakëta banjongëbaki gër akayëta aņo gë bañolo band fëtën bani*.

² Wat këmo bëte meleka ir fangak mbaņ, ga ko fem mondako: «Noỹo wa yap këņo exo daramët bañolo baņ do exo dëkwët akayëta aņ?» ³ Bari ala aņo ñap bana exo dëkwët akayëta aņo do exo wat oñëgw ok: ax gi ex na gër orën, ax gi ex na gër ebar, ax gi ex na gëf gër ebar. ⁴ Ata wëno kême sesënd mbaņ gayik ala aņo ñap bana exo dëkwët akayëta aņ do exo wat oñëgw ok.

⁵ Barikan axarëk abat re ko: «Teβël otes ok, yëraņ ir gër ekun ed Yuda in, arandëwëra ar Dafid an, yap këņo. Axor ko xor exo daramët bañolo baņ, bapakëta banjongëbaki baņ, do exo dëkwët akayëta aņ.»

⁶ Ata gër ed hi bani ar yëpak gër añëpara and owun an, gë bebëbëngw bebënax bën, do gë bëxarëk bën, wat këmo mërëxand anobo nangëde añaș ñaș bano fo. Wat kême gër anobo aņo ofarix ocongoxi do gë bangës banjongëbaki band ex bangoc banjongëbaki band këbi lawëndërand Kaxanu dek ebar baņ.

⁷ Anobo aņ ye ko xana ko akayëta aņ gër ataxan and liw̃ and ar yëpak gër añëpara and owun.

⁸ And xana ko akayëta aņ, bebëbëngw bebënax bën, do gë bëxarëk alapem gë bënax bën lapaya këni mopoxi gër lëngw ir anobo. Ala kala lëkaya ko emangi, do gë angalama and kaņe

* **5:1** 5.1 Mondako bani fërand bapakëta baņ and këni lëkw aņ këdi ko lëkwët ala.

and yēmēn bani gē ašururu ir xwēsēna bani gē angiri. Ašururu ijo wācayak cale ind bulunda ir Kaxanu in. ⁹ Do ga kēni yēw̃ oyēkan oxašax kēni rend:

«Wěj yāp ki ey kana akayēta aṅ,
Wěj yāp ki ey daramēt bañolo baṅ.
Gayikwa añaš ñaš bani šadaxa,
racētaxēn kēyēbi gē ošat orey oṅ
bela bër enēng end ex yo,
bela bër eyeyan ed ex yo,
bulunda ir ex yo

ebi kwēnaxēn Kaxanu. ¹⁰ Wěj racēt kēbi eni gi
bër Kaxanu ir xwēn kēbo,
bër owun obat, bēsādaxan do eni bēña ebar el
dek.»

¹¹ Bēte ga kēme nēkon, wat kēmēni
bebēbēngw bebēnax bēn do gē bēxarēk alapem
gē bēnax bēn ga xeta kēni añēpara and owun
aṅ. Wēl kēme odiw̃ od omeleka ok ang exēni
owaxe owaxe ak. ¹² Er bani xeṽēnd:

«Anobo and ñaš bano šadaxa aṅ yāpēk
exo kwēn panga in, gē napul in, gē orenik ol,
gē ojaṽ ok, gē or gapak ol,
gē enjaran eṅ do gē obetak ol.»

¹³ Bēte dek bër hik yaṅ gēr orēn bēn, bër gēr
ebar bēn, bër gēd gēr ebar bēn, bër polo gēr
angwēngw bēn do bër gēr ed hik yo bēn, awēl
bamēni wēlēnd ga kēni re:

«Ar yēpak gēr añēpara and owun an do gē anobo
aṅ,
xwēnēk obetak ol do gē or gapak ol,
enjaran eṅ, do gē owun ol din ir din!»

¹⁴ Ata beḃebəngw beḃənax bən kəni yakand: «Amen!» Bəxarək bən foxi kəni enəbi cale.

6

End edəkwət ed ikayəta eŋ

¹ Ata wat kəmo anobo aŋ ga laramət ko aŋanar ikayəta ind ləkw bani do laram bani gə baŋolo ḃakələbəd banjongəḃaki iŋ. Wəl kəme ang ekəman fo oniŵ or ebəngw eŋanar ol gər beḃənax ga ko re: «Yow!» ² Ata wat kəmo fanac ifeḃax. Ar Ƴepaxən baŋo an ləkaya ko atumb do yəl kəno ekamote ed owun do ye ko ang ar xorək fo exo korəgu bəte.

³ And laramət ko gər ed laram bani akinəm aŋ, wəl kəmo ebəngw exinəm in ga ko re: «Yow!» ⁴ Ata Ńanayaw ko fanac iḃəxe iwarax, ang xodux fo. Ar Ƴepaxən kəŋo an yəl kəno duxuma iḃakax do gə ojaŵ od exo dēxətaxən aketəxeta and gər ebar ro aŋ, eni dawəraxən bəla bən.

⁵ And laramət ko gər ed laram bani atasən aŋ, wəl kəmo ebəngw esasən in ga ko re: «Yow!» Ata wat kəmo fanac ibanax. Ar Ƴepaxən kəŋo an ləkaya ko acariya and eyamb gər ataxan. ⁶ Do wəl kəme ang oniŵ fo mərəxand ir beḃənax bəjo ga kə re: «Acariya and bəle kala, kodī keme do bacariya ḃatas ḃand orəḃ, atama amat and kodī. Barikan kərey nəxen na ugu oŋ do gə ngoy iŋ!»

⁷ And laramət ko gər ed laram bani anaxən aŋ, wəl kəmo ebəngw enaxən in ga ko re: «Yow!» ⁸ Ata wat kəmo fanac ir Ƴanin-Ƴanin, ar Ƴepaxən kəŋo an kəno wacənd «Ecəs», do kəni laŋətarand gə wur ir bəḃəḃək in. Yəl kəno

owun or bebët ifat gër owebët onax od ebar, ebi nemin bela bën gë duxuma in, gë enjo en, gë ocëxwëra ok, do gë oŵacar or gër apuỹ oŋ.

⁹ And laramët ko gër ed laram bani anjoxën an, wat këme dila gër angëb benjëw bend bër laŵ kënebi në end ga lëkaya bani, do bani reyarand osede or Kaxanu beŋ. ¹⁰ Axeỹ bani xeỹënd mondako: «Axwën, wëj aŵënëk an, do wëj ar dal an, xali niye wa këy šëni eyëbi kitixën bela bër gër ebar ro bën? Xali niye këyëbo ŵaşan bër laŵ këbo bën?» ¹¹ Ata yël kënebi ala kala acud apeşax do fel kënebi eni cëni təkër xali eni ŋatëgu dek bęcandaŵ bënd gër andiyen and Kaxanu beŋ, do gë dek bëmaýe bendebën bënd kënebi laŵ ang bën ak beŋ.

¹² Ata and laramët ko gër ed laram bani anjongamatën an, wat këme andëgël and ebar atëm. Eñan en banëngëk gim-gim, ang anjëm amanax fo facaw in dek warëk wiridid, ang oşat fo. ¹³ Oŵal oŋ xwëcëtarawëk gër orën ang ondan ond wininëk ekoc etëm fo, do wëcëguk gër ebar. ¹⁴ Orën ol lëkwayak ang këni lëkwënd akayëta fo, osënd oŋ do gë oşir oŋ rëxëtak gër ed hi bax. ¹⁵ Bemun bend gër ebar ro beŋ, bër gapak bën, gë bëlëngw bër ocoroda bën, gë bër gë napul bën, gë bër gë ojaŵ bën, gë okadëp ok dek, gë bër ax gi ex na okadëp bën ýafëra këni gër okel do gër bangaỹ band gër osënd. ¹⁶ Do gër ed ýafëra këni, këni felënd osënd oŋ do gë bangaỹ baŋ: «Wëcaninëbo, coninëbo caw, këdi këbo wat ar ýëpak gër añëpara and owun an, këdi këbo wëcan oxoỹ or anobo ol. ¹⁷ Gayikwa

akey atëm and oxoÿ orebën aŋ, anëka ñatëguk, do noÿo këŋo fece?»

7

End bulunda ir Kaxanu eŋ

¹ Ga xucak eŋo, wat këməni omeleka onax ga xwëšara këni gër owebët onax od ebar. Bën sëra bax oxoc onax or ebar oŋ këdi kë xoc, ax gi ex na gër ebar, ax gi ex na gër angwëngw, ax gi ex na në atëx. ² Ata wat këmo gand apën-eñan meleka išëxe ga ko šëg end orën eŋ. Er lëkëya baxo nanganëme ir Kaxanu in, mën ar ex abëngw an. Ga ko xeÿ këbi rend omeleka onax od šëñëta babi eni nëxen ebar el do gër angwëngw ok: ³ «Këren dinan na eñëŋëanax ebar el, gë angwëngw aŋ, gë batëx baŋ, xali mën paÿ edin ed nanganëme el gër eyiÿ bëriyenin bër Kaxanu, mën ar xwën këbo an.» ⁴ Ata wël këme yëgwe hi bani bër gë nanganëme bën: owëli këme gë ofëxw onax gë bënax dek gër bandëwëra band Bëyisërayel. Er hi bani bër gë nangënëme bën:

⁵ gër andëwëra and Yuda, bela owëli epëxw gë bëxi

gër andëwëra and Ruben, owëli epëxw gë bëxi
gër andëwëra and Gad, owëli epëxw gë bëxi;

⁶ gër andëwëra and Aser, owëli epëxw gë bëxi;
gër andëwëra and Nefëtali, owëli epëxw gë bëxi;
gër andëwëra and Manase, owëli epëxw gë bëxi.

⁷ Gër andëwëra and Simewoŋ, owëli epëxw gë bëxi;

gër andëwëra and Lewi, owëli epëxw gë bëxi;
gër andëwëra and Isakar, owëli epëxw gë bëxi;

8 gër andëwëra and Sabulon, owëli epëxw gë bëxi;
 gër andëwëra and Yosef, owëli epëxw gë bëxi bër
 gë nanganëme;
 gër andëwëra and Benêsame, owëli epëxw gë
 bëxi.

End amëxwër and gër lëngw ir Kaxanu eŋ

9 Ga xucak eno, wat këme amëxwër atëm and bela bër ekun ed ex yo, enëng end ex yo, bulunda ir ex yo do bela bër eyeyan ed ex yo, ala axo kor dona ebi pën. Axwêšara xwêšara bani gër lëngw ir ar yëpak gër añëpara and owun an, do gë lëngw ir anobo. Bocud bopëšax šudara bani do lëkayara bani benid. 10 Mondako bani xeÿënd: «Apexa aŋ gër Kaxanu ex, mëŋ ar xwën këbo an, mëŋ ar yëpak gër añëpara and owun an, do gër anobo!» 11 Ata omeleka ok dek xwêšara këni jey añëpara and owun aŋ, gë bëxarëk bën do gë bebebëngw bebenax bën. Ata foxira këni eyiÿ el nêš gër ebar gër lëngw ir Kaxanu. 12 Ga këno šale, këni rend: «Amen! Obetak ol, gë enjaran eŋ, gë orenik ol, ecëkwan el, gë or gapak ol, gë panga in do gë ojaŵ ok, Kaxanu, mëŋ ar xwën këbo an, xwënëk din ir din! Amen!»

13 Na ex wëka ke axarëk abat: «Nobën ex wa bela bër gë bocud bopëšax bëjo? Feye wa xaniw këni?» 14 Yaka këmo: «Oko Šaca, wëj anang nang këy!» Ata re ko:
 «Bën ex bër xaniwëk gër toro itëm bën.
 Aneb neb këni bocud bondebën boŋ,
 Awunëta wunëta këni gë ošat or anobo oŋ.

15 Mëŋ xwêšaxën këni

gër lëngw ir añëpara and owun and Kaxanu do këno şalerand ciş wec gër Aciw̃ andexëm. Ar ỹëpak gër añëpara and owun an këbi xaxa gër ed lëg ko;

¹⁶ din abi kor na enjo, din abi tel na men; oyat abi cor na, ayëka abi di na.

¹⁷ Gayikwa anofo ex mërëxand ir gër ed ex añëpara and owun aŋ, këbi ỹana ebi kadacënd.

Awëla këbi ỹana ebi mëland gër bañësa, gër ed ex men ond aniyan.

Do Kaxanu ebi pëxwëcënënd dek ongwën oŋ gër bangës bandëbën.»

8

End edaramët ed anjongakinëm eŋ

¹ Anofo aŋ, and laramët ko gër ed laram bani anjongakinëm aŋ, yerirak gër orën ipëxëd.

² Wat këmëni omeleka ocongoki od kë xwëşand gër lëngw ir Kaxanu ok. Yël kënëbi okerelon ocongoki.

³ Ata yow ko meleka işëxe, xwëşa ko ler gër angëb do lëkaya ko ipeya ind kaŋe ind bani şoraxënënd aşururu ir xwëşëna bani gë angiri in. Yël këno aşururu ir mbaŋ exo cor ex bararaxën gë cale ind dek bëwënëk in gër angëb and kaŋe and ex gër lëngw ir añëpara and owun. ⁴ Ga kë şëni aşururu in gër ataxan and meleka, kë yend gë cale ind bëwënëk in yaŋ gër Kaxanu. ⁵ Meleka in wëd ko ipeya ind këni şoraxënënd aşururu in, xëñëna ko pëxw oŷen or gë xodux or wëdëgu ko gër angëb oŋ, do lap ko

gër ebar. Ataŋ wëlik oxëbër or ekëman, gë odiw, wingarak bandanjëm do ebar el rëgëk.

End okereloŋ ocongoki eŋ

⁶ Ata omeleka ocongoki od lëkaya bax okereloŋ ocongoki ok këni xëñenand eni parix. ⁷ Meleka iŋanar in farix ko kereloŋ in. Wëcëguk gër ebar bebër ang oxaŋ do gë xodux ga bararëk gë oŝat oŋ. Ata ang ŝetërek ebar el obebët otas ak, bebët ibat ŷegëk ðek gë batëx ak do gë ondës ocëkët ak. ⁸ Meleka ixinëm in farix ko kereloŋ in. Wëcëguk er ang atënd and gë angodux gër angwëngw. Ata angwëngw aŋ ang ŝetërek obebët otas ak, men oŋ nëngwëtak oŝat bebët ibat. ⁹ Ata ŝësëra këni bebëngw bër bax liyand gër bebët ir nëngwëta bax men oŋ oŝat. Bëte nëxenarak okuluŋ od hi bax na ok.

¹⁰ Meleka isasën in farix ko kereloŋ in. Wëcëguk amal elod gër orën do kë ŷegënd ang enjeb fo. Ang ŝetër bax oyeb ok do gë bañësa band men baŋ obebët otas ak, amal aŋo wëcëk gër bebët ibat. ¹¹ Amal aŋo këni wăcënd «Poŝoŋ iwax». Ata men oŋ wak bebët ibat, do bela bëranejëm ŝës këni and ŝëb këni aŋ. ¹² Meleka inaxën in farix ko kereloŋ in. Eñan eŋ, gë facaw in do gë owal oŋ lobërak bebët ibat. Ata goyat in baŝëtak mar ekërikëran el do gëmëd in hik mondako fo. ¹³ Ga këme nëkon, wat këmo ŝambat ga songina ko yaŋ gër orën do ko xeyënd: «Kata! Kata! Kata këbi fënga bër lëgëk gër ebar ro bën and këni farix kereloŋ omeleka otas od bayik aŋ!»

9

¹ Meleka icoxën in farix ko kerelon in. Wat këme emal ga wëcëguk gër ebar elod gër orën. Emal elo fëxwën këno acoketaya and ambëxw atiŵax aŋ. ² And fërët ko atënda and ambëxw atiŵax aŋ, kë šanënd okwëcën ond ang angodux fo. Eñan eŋ šamëdanëk gë okwëcën ond xëñ bax gër ekoc oŋ. ³ Ata gër okwëcën oŋo këni šanënd owure, xul këni ebar el ðek. Yël kënebi ojaŵ od ang ekwël ed kë yexërand gër ebar fo. ⁴ Fel kënebi enëbi ŋatënd bela bër gë nanganëme ir Kaxanu këm gër eyiŷ bën fo, bari këreni dinan na eñëŋenax ondës ond lëgërak gër ebar oŋ, gë bebelëg bën, do gë opat od batëx ok. ⁵ Er fel banëbi enëbi narënënd anarën fo bela bën xali ex nëka opacaŵ oco, bari kërenëbi ðawënd na. Baŋaten bandebën baŋ ang band ekwël fo yambën bax. ⁶ Ata bakey baŋo, bela bën mocala këni ŷana eni caland ecës el, aŷandi këbi ŷana ebi ŷandind eni cës, bari ani cës na. Ecës el mongër këbi ŷana ebi gërënd.

⁷ Er hi bani owure olo ang opanac od fokëra kënebi ond gër emer fo. Gër ogaf odebën bax watind bebër ang oxamote or owun or kaŋe, do odëxas odebën ok hi bax ang od bela fo. ⁸ Omban ondebën oŋ ašak šak bax ang ond bësoxari fo, do oŷënga orebën oŋ ang or ojëraŋ fo. ⁹ Gër owëkw orebën xapa bani šapëxw band dun, do obafe odebën ok axëbër bax xëbërend ang ocaret od këni lasënd opanac odanjëm od kë wëlënd gër emer fo. ¹⁰ Oceb odebën ok ang benjif bend oxwël fo hi bax. Gër oceb oko hi bax ojaŵ od banëbi yambëninaxënënd bela ok xali nëkak

opacaw̃ oco. ¹¹ Emun endefb̃en eŋ ex meleka ir g̃er ambëxw atiŵax in. Oŵac orexëm ol ex g̃e eyeyan ed Bëšëwif el: «Abadoŋ». Do g̃e eyeyan ed Bëgërek el: «Apoliyon», mëne ng̃eŋ «Anemin an». ¹² Kata iñanar in xucak, bayik ex yow betëm beki becëxe.

¹³ Meleka icongibatën in farix ko kereloŋ in. Wël këme oniŵ g̃er oparix onax od ebax g̃er oŵaw̃ onax or angëb̃ and kaŋe and ex g̃er lëngw ir Kaxanu aŋ. ¹⁴ Oniŵ olo baŋo felënd meleka ir g̃e kereloŋ in mondako: «Pëtëlëbi omeleka onax od xap kënebi g̃er yeb̃ isëm ir këni ŵacënd Efërat ok.» ¹⁵ Ata fët këbi omeleka onax od bax šëninđ apëxëd aŋo, akey aŋo, do iniy iŋo ok, enëbi đaw̃axën bela bën amëxwër amat, g̃er batas. ¹⁶ Wël këme yëgwe hi këni ocorođa od g̃e opanac ok: owaxe okeme oki.

¹⁷ Mondako wat bamëni g̃er lakeli opanac ok do g̃e b̃er yëpaxën babi bën. Er xapa bani bapëxw band dun band war bax ang xodux fo, band hi bax ang ekaŷ ed yasenjët fo do band ang mungu fo. Ogaf od opanac oko er hi bax ang od ojëraŋ fo. Gër osëŷ orebën bax šanënd xodux, g̃e okwëcën, do g̃e mungu. ¹⁸ Ata betëm betas beŋo laŵ këbi bela bën amëxwër amat g̃er batas g̃e xodux ol, g̃e okwëcën, do g̃e mungu, ond bax šanënd gër osëŷ or opanac oŋ. ¹⁹ Gayikwa ojaŵ od opanac oko gër osëŷ do gër oceb̃ odebën ebax. Oceb̃ oko ang bandën fo bax do hi bax g̃e ogaf do g̃e oko banëbi yambëninënd bela bën.

²⁰ Bela bëšëxe, b̃er bayik abi đaw̃ bana betëm beŋo bën, ani teb̃ bana ecale ed beb̃er bani rind bën el, ani nëngwët bana ola orebën ol, xali eni

teb ekëla ed bëyël el. Ani teb bana olaş or kaņe oņ, or kodî oņ, or yawale oņ, or oxaỹ oņ do gë or ex otëx oņ. Xarak olaş oņo ax watërand na, ax wëlërand na, ax yexërand na. ²¹ Bela bëjo ani nëngwët bana ola orebën ol xali eni teb bamena baņo: edaũër el, gë obanji ol, gë asëk alakirand fo in do gë orek ol.

10

End meleka in do gë ikayëta eņ

¹ Ata wat këmo meleka ifangak ga ko fedaw elod gër orën ga labaya ko gë aņar, do şandiũ in hik jey gër gaf irexëm. Dëxas in kë yegënd ang eņan fo, do owonëng orexëm oņ hik ang okëcar od gë xodux fo. ² Lëkaya ko gër ataxan ikayëta ind lëkwët baxo. Xwëşa ko, sapar ir liw in gër angwëngw do ir şame in gër ebar. ³ Ata xeỹ ko ang eņëra ed yëraņ fo. And xeỹ ko aņ, yaka këņo oxëbër ocongoxi or ekëman oņ. ⁴ And yeyanëk oxëbër ocongoxi or ekëman aņ, këme xëñënanđ me ñëgw er wël këme in. Barikan wël këme oniũ gër orën ga kë re: «Cësinälil end rek oxëbër ocongoxi or ekëman eņ, kërey ñëgw na.»

⁵ Ata meleka ir wat bamo ga xwëşa ko gër angwëngw do gër ebar in, yën ko ataxan and liw aņ end orën eņ. ⁶ Yaşar ko gër oũac or ar kë liyand din ir din an, ar rik orën an do gë đek bebër gër orën bën; ar rik ebar an do gë đek bebër gër ebar bën; ar rik angwëngw an do gë đek bebër gër angwëngw bën. Meleka in re ko: «Endey eņo gogo kë ģatëgu, ax nëka na!

⁷ Barikan gë bakey band ko farix kereloŋ meleka iconginëm baŋ kē šonëtaya end Kaxanu eŋ ang nangën babi elod anëka fo bëriyenin bërexëm bën, bëlaŵënel bën.»

⁸ Ata oniŵ or yeyaneliw baxe elod gër orën ol, fel ke gašëxe: «Yel ey kana ikayëta inŋ gër ataxan and meleka ir xwëšak gër angwëngw do gër ebar in.» ⁹ Ye këme gër meleka, do fel këmo exe yël ikayëta inŋ. Yaka ke: «Medël ey gël, ang dingën fo kē yëŵ gër etëy edey. Barikan awa kē wa gër acël andey.»

¹⁰ Wëd këme ikayëta inŋ gër ataxan and meleka do hël këme: yëŵëk ang dingën fo gër etëy edam. Barikan and hël këme aŋ, acël andam aŋ wak. ¹¹ Ata fel këne: «Afo ey yeyanënd ang alaŵënel fo bend këbi hi bela beŋ obulunda odanjëm, gë benëng bendanjëm, gë oyeyan oranjëm, do gë bemun bendanjëm.»

11

End otede oki eŋ

¹ Ata fëxwën këne ošët do re këni: «Kanil ey tëyi Aciŵ and Kaxanu aŋ ang yängëk ak, gë angëb aŋ do eyëbi pën bër kē šalend lëf na bën.

² Barikan yangana ir fac ir Aciŵ and Kaxanu in, tebël mondako fo. Kërey tëyi na gayik benëng becëxe beŋ sebën kënebi. Bën kē wëñëra angol amënëk aŋ opacaŵ ofëxw onax gë oki. ³ Ayël këmëni otede oki odam ok eni yeyanënd ang bëlaŵënel fo bey bën. Gë ojabote këni fëlaya do enëbi nangën bela bën end Kaxanu eŋ nē bakey wëli gë okeme oki gë ofëxw ocongebat.»

4 Otede oki oko ex bañarëka baki baŋ, do gë odambo oki od hik gër lëngw ir Axwën ebar ok. 5 Angëmëne ala eŋo ŷandi ebi yambënin, xodux kë şan gër osëŷ orebën, do enëbi gël bërangoŷëra gë bën bën. Eyo mondako ko şës ar këŋo ŷandi ebi denan eñëŋëanax an. 6 Aşot şot këni panga ind eni përa orën ol kërex tëb na dek bakey band kënëbi nangën end Kaxanu baŋ. Axor exëni eni nëmbët men oŋ oşat do eni di beñigëanaxik bënd ex yo gër ebar nand këbi ŷandi yo.

7 And këni faŷ osede orebën aŋ, emacar end kë şanëgu gër ambëxw atiŷax eŋ ebi mereli, ebi kor do ebi daw. 8 Ata exo ŷaŋëta beman bënd otede oki beŋ gër fëña isëm ir gër angol atëm. Angol aŋo ex, gër owat or Kaxanu, Sodom do gë Misëra, na gër ed fika bano Axwën arebën na. 9 Bela bër bulunda ir ex yo, gë bër enëng end ex yo, gë bela bër eyeyan ed ex yo, gë bër ebar ed ex yo awat këni wat beman bendebën beŋ bakey batas gë təkër do ala ano teb na ebi mëxwëta në ŷeg. 10 Bela bër lëgëk gër ebar bën ga nëngandëra këbi end ecës edebën eŋ këni rixënëd ofëna xali eni yëlërëra beŷ gayik bëlaŷënəl bëxi bëjo aşëndən şëndən banëbi.

11 Ga xucak bakey batas gë təkër, angoc and kë yëlënd and aniyanaŋ, xaniwëk gër Kaxanu, lil këbi do xwëşan këbi ceg. Ata yëdara këni mbaŋ bër babi wat bën. 12 Wël këni elod gër orën, oniŷ osëm ga këbi fel: «Yowën yaŋ ro!» Ye këni gë aŋar aŋ yaŋ gër orën do bërangoŷëra andebën bën wat kënëbi. 13 Ata amëd aŋo dëŋ

hik angëmëgëm atëm gër ebar do ang ex owebët epëxw od angol ok, bebët ibat wëcëk. Nemira këni bela owëli ocongoki në end angëmëgëm aņo. Bër bayik bëbëngw bën yëdara këni, do šëkw këni enjaran end Kaxanu eņ, mëņ ar gër orën an.

¹⁴ Kata ikinëm in anëka xucak, gogo kë ħatëgu itasën in.

End kerelonj icongixinëm eņ

¹⁵ Ata meleka icongixinëm in farix ko kerelonj in. Wëlik gër orën odiw otëm ga kë re:

«Owun or ngwën ol,
Axwën arebi an xwënëk
do gë Kërisët irexëm,
din ir din ko wun!»

¹⁶ Bëxarëk alapem gë bënax bër yëpa bax gër bañëpara band owun, gër lëngw ir Kaxanu bën, foxi këni eyiŷ el nëš gër ebar, ¹⁷ do këni rend:

«Ayeri këy Axwën Kaxanu,
wëj ar xorëk beŷ dek an,
wëj ar hik do hi bay,
gë panga itëm indey in wun këy.

¹⁸ Axoŷën xoŷën këni benëng beņ, barikan gërëgako yowëk oxoŷ oreŷ ol, amëd and këyëbi xiti bëšëk aņ, eyëbi pupa bëriyenin bërey bën, bëlaŷënel bën, gë bëwënëk bën do gë bër fëbëk oŷac oreŷ bën, hik bër gapak bën,

hik bërëtoc bën do eyëbi nemin bër kë nem-inënd ebar bën!» ¹⁹ Aciw and Kaxanu and hik yaņ gër orën aņ fërëtayak, watik lëf kangara ir eter in. Ata wingararak, wëlik

odiw̃, gē oxēbēr or ekēman, ebar el rēgēk
do kē wēcēnd bebēr ang oxaỹ.

12

End asoxari do gē fato enj

¹ Ata nanganēme isēm šanayak gēr orēn: asoxari ar šudak eñan enj, facaw̃ in dīla, gēr osapar orexēm do šēxwa ko ekamote ed owun ed gē ował epēxw gē oxi. ² Gē acēl ebaxo do and ħatēk orēw̃ anj, ko xeỹēnd ayambēn in do gē toro ind orēw̃ inj.

³ Šanayak bēte gēr orēn nanganēme išēxe: fato isēm, ir war bax ang xodux fo, ir gē ogaf ocongoki do gē ofarix epēxw. Er hi bax nē gaf kaļa ekamote ed owun. ⁴ Gēr obebēt otas od ował or gēr orēn, fat ko ĩbat gē šēb irexēm in do lapēgu ko gēr ebar. Ata fato in buna ko, fabēr kēni gē asoxari ar orēw̃ an, enjo gēlaxēn itox in sam enjo dēw̃. ⁵ Rēw̃ kēño itox itošan, ind kēbi xadac benēng beñ dek gē xwēlekwēle ir dun*. Na Kaxanu wēla kēno itox injo ler gēr ndexēm, ler gēr añēpara and owun andexēm. ⁶ Asoxari an cēñ, hēr ko dɥup gēr ladawe, gēr ed xēñēnan baño Kaxanu exo gix, gēr ed kēno lēbax bakey wēli gē okeme oki gē ofēxw ocongebat.

⁷ Ata fētēk emer gēr orēn. Mišel gē omeleka odexēm ok kēni wērēnd gē fato in. Bēte fato in do gē omeleka odexēm ok wērēli kēnēbi. ⁸ Ga xor kēnēbi, fato in gē odexēm šan kēni nē er kēni hi yañ gēr orēn. ⁹ Ata lapēgu kēno gēd, fato isēm in,

* **12:5** 12.5 Xwēlekwēle ir dun ijo wācayak owun or sibēk mbanj

andën akarëk aŋ, and këno w̄acënd ŝabucara, do
Sindan aŋ, and këbi yifand bela bër gër ebar aŋ.
Lapëgu këno gëd̄ gër ebar ro, mën̄ gë omeleka
odexëm ok. ¹⁰ Ata wël këme oniw̄ osëm yaŋ gër
orën, ga kë re:

«Gërëgako anëka ñatëguk apexa aŋ,
gë panga iŋ, gë owun or Kaxanu ol,
mën̄ ar xwën këbo an
do gë owun or Kërisët irexëm ol.
Gayikwa anëka lap këŋo gëd̄,
alëxw ar bëmaÿe bëndëbi an,
ar babi lëxwënd ciš wec gër Kaxanu,
mën̄ ar xwën këbo an.

¹¹ Barikan bën, axor xor këno gë ošat or anobo
oŋ

do gë eyeyan ed osede orebën el;
ani ŋan ex na nëmëc aniyan andebën aŋ
ado ga banëbi wesand
mëne alaŵ kënebi laŵ.

¹² Wën bër gër orën bën,
wën bër lëgëk fën bën,
nëngandëraleŋun.

Barikan etëm hi këŋun
wën bër gër ebar bën do wën bër gër angwëngw
bën,
gayikwa ŝabucara in anëka ŝëlali ko gë oxoÿ
osëm
ga nang ko mëne bakey band bayi këŋo ban
bapënëfëne fo ex.»

¹³ And wataya ko fato in mëne anëka lapëgu
këno gëd̄ gër ebar aŋ, sëf këŋo asoxari ar rëw̄
këŋo itox itošan an. ¹⁴ Ata asoxari an yël këno
obafe oki od ŝambat isëm ok exo cëgaxën gër

ladawe, gër wur irexëm, gër ed këno lëbax bëniy bëtas gë təkër, gër ed bayik aņo ņatën na andën aņ. ¹⁵ Andën aņ wis ko men ang oÿëm fo gand epoy ed asoxari eņo mëlaxën. ¹⁶ Barikan ebar el rëca këņo asoxari an do hëlëk oÿëm or wis baxo fato ol. ¹⁷ Ga logën këņo end asoxari ajo eņ, fato in ye ko ebi merelix bërandëwëra and asoxari bën, bër fëbëk bapela band Kaxanu do këni reyarand osede or Yesu bën.

¹⁸ Ata buna ko gër edini ed bëņa ir angwëngw.

13

End oŵacar oxi eņ

¹ Ata wat këmo emacar end gë ofarix epëxw do gë ogaf ocongoki, ga šëpëtaŵ ko gër angwëngw. Er hi bax në farix kala ekamote ed owun, do ÿëgwëra këni gër ogaf odexëm, omac od këņo širënd Kaxanu. ² Emacar end wat bamo eņ, ang ecaŵ fo hi baxo, osapar orexëm oņ hi bax ang or andaw fo do etëÿ el ang ed yëraņ fo. Fato in yël këņo panga indexëm in, owun orexëm ol do gë or gapak osëm. ³ Gaf ibat irexëm in mbaņ sembaÿ bax, ecës el fo bayi bax. Barikan afak fak baxo.

Ata ga babi šaranënd end emacar eņo eņ, dek ebar el këņo sëfënd. ⁴ Afoxi bani foxind gër lëngw ir fato, eno calexën gayik mëņ yël baņo owun ol emacar eņ. Afoxi bani foxind bëte gër lëngw ir emacar eno calexën do eni dend: «Noÿo wa ex ang emacar eņo? Do noÿo kë xor eņo mereli?»

⁵ Ata emacar eņo ŝot ko etëŷ ed bax yeyanënd gë ndafënan do gë ed këņo ŝirënd Kaxanu. Asebën sebën bano owun ol xali opacaŷ ofëxw onax gë oki. ⁶ Emacar eņ ga ħebëta ko, këņo ŝirënd Kaxanu maġ gë eyang edexëm ak, këbi renarand mëņ do gë bër lëgëk gër orën bën. ⁷ Aseb seb bano bëte ebi mereli bër ex bulunda ir Kaxanu bën xali xor këbi. Ayël yël bano panga ind ebi bëña ebar el dek: ekun ed ex yo, gë bulunda ir ex yo, gë bela bër eyeyan ed ex yo do gë enëņ end ex yo. ⁸ Ata dek bër lëgëk gër ebar bën, bër bayik omac odebën ani ñëgw ex na gër akayëta and aniyand and anobo and ŝadaxa bano elod ga ŷanak ngwën aņ, afoxi këni ŷana eni poxind gër lëņgw ir emacar eno calexën.

⁹ Awa ar gë anëf an, baxëtëlexo de!

¹⁰ Ar ebax eno mëla oxadëp an, aŷëla këno wëla gër oxadëp. Ar ebax eno đaw gë duxuma an, alaŷ këno law gë duxuma. Mëņ ex, bëwënek bën, aņap ŷapëk eni buņand, këreni teb na ekwëta el.

¹¹ Ata wat këmo emacar ecëxe ga ŝanëgu ko gër ebar. Bëparix bëki ŝot baxo ang anobo fo, do baxo yeyanënd ang fato fo. ¹² Panga ind emacar eñanar in ŝot baxo do baxo rind becarax gër lëņgw ir emacar eņo. Anëŷali babi nëŷalind dek bela bër lëgëk gër ebar bën eno calend emacar eñanar eņ, end sembaŷ bax đam gër ecës, bari fak ko eņ. ¹³ Emacar ekinëm eņo becarax betëm baxo rind xali fedaliw ko akey amat, ogës od bela, xodux ol elod gër orën

xali gër ebar. ¹⁴ Mondako babi nambelind bër lëgëk gër ebar bën gë becarax bend seb bano exo dind gër lëngw ir emacar beŋ. Afel babi felënd eni di edaš ed ang eñaŵ end emacar end saŵ bano gë duxuma do fakëta ko gër aniyan eŋ. ¹⁵ Ašot šot baxo panga ind exo nëngwët edaš elo xali ex yeyandërand, do ebi dawënd dek bër ax poxind na eni cale eñaŵ end emacar eñanar bën. ¹⁶ Anëyali babi nëyalind bela bën dek, hi këni bër gapak, bërëtoc, bër gë napul, bëxaÿëanaxik, okadëp, bër ax gi ex na okadëp, eni ma enëbi din ala kala nanganëme in, bërëmar gër ataxan and liŵ, bëjo gër eyiÿ. ¹⁷ Yama ala abax xor na wa exo yëcëra beÿ ba exo pandëra cotërëxe nanganëme in, oŵac or emacar ol ba nimëro ir oŵac orexëm in. ¹⁸ Awa ro, orenik wëkak. Ar gë ouden an, calalexo exo nang er wacayak nimëro ir emacar in. Gayikwa nimëro ir ala ex do er ex: «Okeme ocongibat gë ofëxw ocongebat gë bënjongimat.»

14

End oyëkan or bëwënek eŋ

¹ Ata wat këmo anofo aŋ mo kwëša yaŋ gër etënd ed Siyoŋ ga xeta këno bela owëli keme gë ofëxw onax gë bënax bër šotëk nanganëme ir oŵac orexëm in do gë or Sëm in, gër oyiÿ orebën. ² Wël këme gër orën oniŵ or ang oÿëm fo, or ang oxëbër or ekëman etëm fo. Do angoŋ and bame wëlënd aŋ hi bax ang and bësëmb bër bemangi bendanjëm fo. ³ Bela bëjo aÿëw bani ÿëwënd oyëkan oxašax gër lëngw ir añëpara and owun

do gër lëngw ir bebëbëngw bebënax, do gër lëngw ir bëxarëk. Bela owëli keme gë ofëxw onax gë bënax bër racët këbi Kaxanu gër ebar ro bën fo bax yëwënd oyëkan olo. Gabatak ax kor bana exo tëya oyëkan olo.

⁴ Bën anëbi nang ex na bësoxari, ani buyarënaya ex na gë bën. Bën këno sëfarand anobo aŋ gër ed ko ye yo. Kaxanu racët këbi mërëxand ir bela eni gixën bëyanar bër xwën kënebi mëŋ do gë anobo aŋ. ⁵ Do gër osëy orebën, enëgwëê ax gi ex na. Etëmbak ax gi ex na gër ola orebën.

End omeleka otas eŋ

⁶ Ata wat këmo meleka isëxe ga ko sëgëra yaŋ gër orën. Atëfëtan and din baxo xëñënanand ebi nangën bela bër lëgëk gër ebar bën, gë enëng end ex yo, gë ekun ed ex yo, gë bela bër eyeyan ed ex yo do gë bulunda ir ex yo.

⁷ Ga ko xeŋ ko rend: «Yëdayindëno Kaxanu do cëkwindëno gayikwa anëka ħatëguk apëxëd and ko xiti ngwën aŋ. Poxiyindën eno calexën ar rik orën, gë ebar, gë angwëngw, do gë bañësa band men an!»

⁸ Meleka ixinëm sëfëgu këno iyanar in do ko rend: «Anëka nëxenak, anëka nëxenak, angol atëm and Babilon aŋ! Mëŋ yëla këbi ngoy ind eñac endexëm in dek benëng bend bela beŋ*.»

⁹ Meleka isasën sëfëgu këbi oki oñanar ok. Ga ko xeŋ ko rend: «Angëmëne bela eno calend emacar eŋ, gë eçaš ed wätinali këno el, do

* **14:8** 14.8 Gër oñëgw odëmar er yëgw këni mëne ngoy ind oxeŋ or eñac endexëm in.

angëmëne eni cot nanganëme irexëm in gër oyiŷ ba gër bataxan, ¹⁰ ašëb këni šëb bën bëte oxoŷ or Kaxanu ol ang ngoy fo. Ang ngoy inëmarëx fo kënebi xatën andëmba aŋ cëm. Asoro këni ŷana eni torond polo gër xodux, gër mungu gër lëngw ir omeleka omënëk, do gër lëngw ir anobo! ¹¹ Din ir din kë ŷana ex cënind okwëcën ond xodux or këbi šorënd bër këŋo šalend emacar do gë edaš ed wätinali këno bën. Hik gëmëd, hik goyat, ani ñana na eni teyëtand toro in. Mondako fo këŋo hi ala ar šotëk yo nanganëme ir oŵac orexëm in.» ¹² Mondako ex, ebuŋa ed bëwënëk el, ed bër kë sëfënd bapela band Kaxanu do xwëta këno Yesu bën.

¹³ Ata wël këme oniŵ yaŋ gër orën ga kë re: «Ñëgwël: “Nëngandëralebi bëšëk bër xwëta këŋo Axwën do šës këni elod gërëgako bën!” Angoc Amënëk aŋ ga re ko: “Iyo, teyëtalexëni bandiyen bandebën baŋ gayikwa në etëfa ebi bandixa bandebën baŋ!”»

End ekanara ed bebër gër ebar eŋ

¹⁴ Ata wat këme aŋar apešax, do gër aŋar aŋo ŷëpa ko ar ang asëñiŵ ar ala fo. Ekamote ed owun ed kaŋe šëxwa baxo, do lëkaya baxo xorom iñakax. ¹⁵ Ga šanëgu ko meleka išëxe gër Aciŵ and Kaxanu, ko xeŷend gand ar ŷëpak gër aŋar: «Medël xorom in, ey ŋašaxën bebër gër ebar bën gayik anëka sëgëk, anëka ñatëk ekana el.» ¹⁶ Ata ar ŷëpak gër aŋar an lap ko xorom in gër ebar. Hašëk dëk bebër gër ebar bën.

¹⁷ Meleka išëxe šanëgu ko gër Aciŵ and Kaxanu, and hik yaŋ gër orën aŋ. Mëŋ bëte lëkaya

ko xorom iñakax. ¹⁸ Ga šanëgu ko gër angëb meleka isëxe, ir xorëk xodux, ko xeÿend gand ar lëkayak xorom iñakax an: «Medël xorom in ey ñaşaxën bacaÿ band odëwëreÿwen od resej band ex gër ebar bañ, gayik anëka sëgëk.» ¹⁹ Meleka in lap ko xorom irexëm in gër ebar ata ñaşëk bacaÿ band atëx and resej and gër ebar bañ do xobëx ko polo gër akaraxën and kë wätinalind oxoÿ or Kaxanu añ. ²⁰ Ga wëla këni resej in gand angol, xobëx këni gër akaraxën and hik fac. Ata šanëk ošat and bani wëñënd gër akaraxën añ do ošat oño fesëk në bapakan okeme otas. Kido eni përado opanac, ogaf ok fo watidox.

15

End beñigënaxik bepelatar eñ

¹ Ata wat këme gër orën nanganëme isëxe, isëm, do išaraxik: omeleka ocongoki ga lëkaya këni beñigënaxik benjongëbeki bepelatar beñ. Gayikwa Kaxanu, pañ gë beñigënaxik beño ko ñata oxoÿ orexëm ol.

² Wat këme anjer and kal-kal ang anangoye fo ga bararëk gë xodux ol. Wat këmëni bëte bër xor këño emacar bën, gë eñaŵ endexëm ak, gë edaş edexëm el, do gë nimëro ir oŵac orexëm bën. Gër anjer and ang anangoye xwëšara bani do lëkaya këni bemangi bend yël këbi Kaxanu beñ.

³ Ata këni ÿëwënd oyëkan or Moyis, ariyenin ar Kaxanu ol, do gë oyëkan or anofo ol:

«Bandixa bandey bañ batëm ex, bacaraxik ex, Axwën Kaxanu, wëj ar xorëk beÿ dek an, bebër këy rind bën däl ex do šenene ex,

wěj ex emun end benëng eņ.

⁴ Axwën, noŷo bayik axi pëb na?

Noŷo bayik ax cëkw na oŵac orey ol?

Wěj gabat ex aŵënëk an.

Enimin, benëng beņ dek ayow këni yow

eni poxira gër lëngw irey,

gayik or ŝenene orey ol ŝanayak.»

⁵ Ga xucak eņo, ga këme nëkon gër orën aciŵ and Kaxanu aņ ga fërëtayak, wat këme aner and Osede aņ. ⁶ Omeleka ocongoki od lëkaya

bax beņigëanaxik banjongëbeki ok ŝanëgu këni gër Aciŵ and Kaxanu. Ŝudara këni banjëm

band xaf-xaf bamënëk, band jing-jing, do xapa këni bapëxw band kaņe gër oŵëkw. ⁷ Abat

gër bebëbëngw bebënax, fëxwën këbi omeleka ocongoki ok bandëmba banjongëbaki band kaņe

band ebax cëm gë oxoŷ or Kaxanu, mëņ ar hik din ir din an. ⁸ Aciŵ amënëk aņ lëbëk gë

okwëcën oņ në end enjaran end Kaxanu eņ do gë panga indexëm iņ. Ata ala abax xor na exo dël

gër Aciŵ and Kaxanu xali xwëtëk beņigëanaxik banjongëbeki bënd omeleka ocongoki beņ.

16

End bandëmba banjongëbaki band oxoŷ eņ

¹ Ata wël këme oniŵ gër Aciŵ and Kaxanu. Ga kë xeŷ oniŵ olo, këbi felënd omeleka ocongoki ok: «Awa yeyin en dexëx bandëmba banjongëbaki band oxoŷ or Kaxanu baņ gër ebar!»

² Meleka iŷanar in lex ko andëmba aņ gër ebar. Ata bela bër ŝot bax nanganëme ir emacar in do

bani foxind eni cale gër lëngw ir edaâ ed eñañ edexëm bën, lëk këbi oşëxwëra oyambënaixik: beman beñ hik yer okejën fo. ³ Meleka ixinëm in lex ko andëmba andexëm añ gër angwëngw. Men oñ nëngwëtak oşat ang or ala ar ñaâ këno fo, do dek oŵacar obëngw or hik polo ol şësëra këni.

⁴ Meleka isasën in lex ko andëmba andexëm añ gër oyeß do gër bañësa band men, nëngwëtak dek oşat.

⁵ Wël këmo meleka ir xorëk men in ga ko re: «Wëj ar şenene hi këy, wëj ex ar hik, do hi bax an, aŵënëk hi këy gayikako mondako xiti këyëbi.

⁶ Gayikako oşat or bëwënëk do gë or bëlaŵënel oñ lexëra këni, duy dëñ yël këyëbi oşat eni ceß.»

⁷ Wël këme oniŵ gër angëß ga kë re:

«Eyo Axwën Kaxanu, wëj ar xorëk beñ dek an, kiti indey in ðal ex do şenene ex.»

⁸ Meleka inaxën in lex ko andëmba andexëm añ gër eñan. Eñan eñ şotëk ojaŵ od ebi corënd bela bën gë xodux orexëm ol. ⁹ Ata ayëka isëm şor këbi bela bën. Barikan bën këni şirënd oŵac or Kaxanu ol, mëñ ar babi lapanënd beñigënaixik beño gë panga indexëm an. Ani nëngwët bana ola orebën ol eno ðuwaxën.

¹⁰ Meleka icoxën in lex ko andëmba andexëm añ gër añëpara and owun and emacar. Ata şamëdanëk gër ed wun ko, do bela bën këni wëcarërand ayambën in. ¹¹ Aşir bano şirënd Kaxanu, mëñ ar hik gër orën an, ga bot këbi ayambën ir okejën in. Bari ani nëngwët bana

ola orebën ol xali eni teb bandixa batëmbak bandebën baḡ.

¹² Meleka icongibatën in lex ko andëmba andexëm aḡ gër yeb isëm ir këni wăcënd Efërat in. Men oḡ wëxëk eni kegëtaxën bemun bend kë xaniw apën-eñan beḡ. ¹³ Ata wat këmëni bangoc bañëḡenax batas, band ang ofëkel fo. Angoc añanar aḡ şanëgu ko gër etëy ed fato, akinëm aḡ şanëgu ko gër etëy ed emacar, do atasën aḡ gër etëy ed alawënel anëḡwëş. ¹⁴ Bangoc baḡo band şabucara ex, bën kë rind becarax do këni yend gër bemun bend gër ebar dek enëbi bar eno merelexën Kaxanu yatir akey atëm andexëm, mëḡ ar xorëk bey dek an. ¹⁵ Ata re ko Axwën an: «(Awa ang arek fo këme yeli.) Nëḡandëralenjo ar këmo sëk daşërexe an. Amo pëḡga ex na teb gë eman eḡ do axo ye na gë aşëfën, cudarexe banjëm bandexëm baḡ.» ¹⁶ Ata bangoc baḡo bar kënebi bemun beḡ gër ed këni wăcënd gë eyeyan ed Bëşëwif el: «Arëmagedoḡ».

¹⁷ Meleka icongixinëm in lex ko andëmba andexëm aḡ gër ekoc. Wëliwëk oniw osëm lëf gër Aciw and Kaxanu, gër añëpara and owun ga kë xeḡ: «Anëka xwëtëk!» ¹⁸ Ata wingararak, wëlik odiw, gë oxëbër or ekëman, do ebar el rëgëk mbaḡ. Elod ga hi këni bela bën, ala ax wat ex na angëmëgëm andako rako aḡ. ¹⁹ Angol atëm aḡ şapërek obebët otas. Bangol band benëḡ bend bela baḡ yëcarëk. Kaxanu abi xwëya bana bela bër gër angol atëm and Babilon bën. Ata şebën këbi ang ngoy fo oxoḡ osëm

orexëm or hi bax gër andëmba ol. ²⁰ Dek ošir oŋ šapërek do osënd oŋ yëcarëk. ²¹ Ata beber ang bongaŷ bond sibëk gwër në okilo ofëxw onax wëcandëra këbi bela bën elod gër orën. Barikan bën širëra këno Kaxanu në end eñigënaxik etëm end hi babi eŋ.

17

End asoxari aŷacaxik eŋ

¹ Ata ang hi bani omeleka ocongoki od lëkayara bax bangalama banjongëbaki ok, ibat yow ko yeyaneli ke. Re ko: «Yow mi masin kiti ind angol atëm, and ex ang asoxari aŷacaxik, ar ŷëpak yaŋ në amen aŋ. ² Gë asoxari ajo wata këni bemun bend gër ebar beŋ asëk alakirand fo in, do bela bër gër ebar ro bën anëka xor këbi ang ngoy fo eñac endexëm eŋ.»

³ Ata meleka in wëla ke gë Angoc and Kaxanu aŋ gër ladawe. Watëx këmo asoxari ga ŷëpa ko yaŋ në emacar embarax, end gë ogaf ocongoki do gë ofarix epëxw. Do eman eŋ hi ko dek omac od këŋo širënd Kaxanu fo. ⁴ Asoxari ajo šudara ko banjëm bambarax band yek mbaŋ, banjëm band warëgeyan. ŷaŋëna ko gë orëxër or kaŋe, do gë oyeri or oxaŷ oyekax. Lëkaya ko andëmba and kaŋe and ŷëm bax gë becusëšus, do gë bemuyaraxik bend eñac endexëm beŋ. ⁵ Gër eyiŷ edexëm ŷëgw këni oŷac or šonaya bax: «Babilon, angol atëm aŋ, nëm ir beŷacaxik, do nëm bër watak becusëšus betëm bend gër ebar ro.» ⁶ Wat këmo asoxari ajo ga ŷaw këŋo

gë oșat or bëwënek oŋ do gë oșat or otede od bax reyarand end Yesu oŋ.

Ga këmo nëkon, șaran ke xali xurik. ⁷ Ata re ko meleka in: «Inewa ki șaranaxënënd? Wëno afel këmi fel bend șonayak gër asoxari ajo do gër emacar end gë ogaf ocongoki, do gë oparix epëxw end yëpaxën këŋo beŋ. ⁸ Emacar end hi bax do wat bayo eŋ, axo bo ex na. Așanëgu ko șanëgu gër ambëxw atiŵax do exo cës. Bela bër lëgëk gër ebar bën, bër bayik Kaxanu axo nëgw ex na omac odebën gër akayëta and aniyand nand ri ko ngwën bën, așaran këbi șaran and këno wat emacar aŋ gayik ahi hi baxo, șës ko, bëte exo canayaw.»

⁹ Eŋo, onden ond arenik fo kë xor eŋo pëni. Ogaf ocongoki ok kë wătinalind bëtënd bënjongëbëki bënd yëpaxën ko asoxari beŋ. Eŋo amatinali ex and bemun bënjongëbëki bëte: ¹⁰ benjo lati këni, emat bayik ga wun ko, bari emun enjongekinëm eŋ axo yow ex na pere. And ko hătëgu aŋ, ax nëka na owun orexëm ol. ¹¹ Ata emun enjongetasën eŋ ex de emacar end hi bax do șës ko eŋ. Mëŋ fo ex bëte emun enjongetasën, end kë șës din ir din eŋ.

¹² Ofarix epëxw or wat këy oŋ ex bamatinali band bemun epëxw bend anëbi maș ex na pere owun beŋ. Barikan, awun këni wun apëxëd amat gë emacar eŋ. ¹³ Bën erebat këni șaland: eno diyenin emacar eŋ gë panga indebën in, do gë ojaw odebën ok. ¹⁴ Aŵereli këno wëreli anobo aŋ. Barikan anobo aŋ efi kor gayik mëŋ ex Axwën ar bëxwën an, do Emun end bemun eŋ.

Gë bër w̄ac këbi, sana këbi do xwëta këno bën kënebi xor.

¹⁵ Meleka in re ko bëte: «Amen and wat këy gër ed yëpa ko asoxari aÿacaxik aŋ ex bamëxwër band bela bër lëgëk gër ebar baŋ, ang fitarëra këni ðek benëng beŋ, do gë oyeyan orebën ak. ¹⁶ Oparix epëxw or wat këy ok do gë emacar eŋ, ašus këno šus asoxari ajo. Axandëra këno xandëra napul ir šot ko in do axwëca këno xwëca exo bayi tëb gë eman eŋ. Ayamb këno yamb do eni bëlën er këbi bayita in. ¹⁷ Gayikwa Kaxanu yël këbi gër owëkw orebën eni di apënëta andexëm aŋ, eni ŋata apënëta amat, do eno yël owun orebën ol emacar eŋ, xali ex ŋata bend re ko Kaxanu beŋ. ¹⁸ Asoxari ar wat këyo ajo hik angol atëm and wunëk gër bemun bend gër ebar ro aŋ.»

18

End eyëcar ed angol and Babilon eŋ

¹ Ga xucak, wat këmo meleka išëxe ga fedaw ko elod gër orën. Panga indexëm in itëm ebax do enjaran endexëm eŋ ŋobak ebar el. ² Ata ko xeÿend: «Anëka yëcarëk, anëka yëcarëk Babilon in, angol atëm aŋ! Anëka hik eðëg ed bëyël, gë emaÿi ed angoc añëŋënax and ex yo, do gë emaÿi ed acël añëŋënax and ex yo, gë emaÿi ed emacar eñëŋënax, do gë ecusëšus end ex yo. ³ Mondako kë hi gayikako ðek benëng bend bela beŋ ašëb šëb këni eñac etëm endexëm eŋ ang ngoy fo. Bemun bend gër ebar ro beŋ ari bani rind gë mën eñac eŋ do bëfandëran bër gër

ebar bën ašotëraxën šotëraxën këno gë panga ind napul irexëm in̄.»

⁴ Ata wël këme elod gër orën oniŵ ošëxe ga kë re: «Canin angol and Babilon aŋ, wën bër ex bulunda iram bën, këdi kën wëndëra andamat gë Bëbabilon bën, do këdi këŋun fënga wën bëte kiti indebën in̄. ⁵ Gayikwa beñëñënax bend Bëbabilon beŋ asaŋar saŋarëk xali yaŋ gër orën, do Kaxanu axo kwëya ex na betëmbak beŋo. ⁶ Mašayinëbi ang banun rind ak. Cosinëbi gë toro in̄, ang banëbi šosënd bën bëte bela ak. Mašayinëbi bakëlëbëd baki bandixa bandëbën baŋ! Gë andëmba and banun rëmbënënd aŋ, dëmbëninëbi baki. ⁷ Ang bafi nëngandërand në end enjaran endëbën ak, do në end napul irebën ak, torolexëni mondako fo. Ang wëli bax napul irebën ak, wëli ex mondako fo toro indebën in̄ do gë edenitaran edebën el! Gayikako Bëbabilon bën are bani rend: “Ang emun etoxari fo ŷëpa këne, ane gi ex na asoxari asebëta sebëta, biyi din kata aŋo gi na.” ⁸ Mëŋ ex, akey amat fo këbi fënga betëm beŋo: ecës el, gë odenitaran ok, gë enjo eŋ do enëbi d̄ap bëngënj gër angodux. Gayikwa Axwën Kaxanu ex ar gë panga itëm an, ar këbi xiti an.»

⁹ Dek bemun bend gër ebar bend bax rind eñac gë angol and Babilon beŋ, bemun bend bafi nënganënd ñambëran ind gë mëŋ beŋ, ases këni ŷana eni tesënd, arenita këni ŷana eni denitand në end endexëm and këni ŷana eni watënd okwëcën ond amëra andexëm aŋ. ¹⁰ Nacët ako këni ŷana eni kwëšarand në end ga këni yëdand amëra andexëm aŋ, do eni dend:

«Oko etëm endako rako eņo! Oko etëm endako rako eņo, angol atëm aņ!

Oko Babilon, wěj angol apangak aņ!

Apëxëd amat fo rik ħataxënëguk kiti indey iņ!»

¹¹ Bëfandëran bër gër ebar bën në etes exëni, në edenitara exëni në endexëm gayik ala ax bo ex na ga kë yëcënd opane odebën ok. ¹² Opane oko er ebox: kaņe, kodī, oxaỹ oxëbënaxik, oyeri, banjëm band xaf-xaf, banjëm bambarax, banjëm band gënd-gënd, banjëm band warëgeyan, bëmok bënd otëx od gë otëñer onëngax do orëxër or fës këni gë oỹënga or beñamb, do gë otëx okëbënaxik. Opane oko er ebox bëte: bebër sap këni gë yawale, gë odun do bebër fës këni do gë oxaỹ oyekax or yër-yër. ¹³ Bëte opane oko er ebox: ogu onëngax ond këni wăcënd kanel, angiri, bebëlambe, bëšan bër këni wăcënd mir, așururu ir xwëšëna bani gë angiri, ngoy, ogu, pix, bële, bengas, opeỹ, opanac, ocaret, okadëp do gë bandepëra.

¹⁴ «Bekëbënaxik bend yñandi baxi ey cot beņ anëka șana ki do ħawëta ki caw.

Dek bebër yek do xëbënëk bën awew wew ki, do din ay wat na.»

¹⁵ Bëfandëran bër șotëraxën këņo bën,

nacët ako këni yñana eni kwëšarand,

ga yëda këni amëra and Babilon aņ.

Ases këni yñana eni tesënd,

arenita këni yñana eni denitand ¹⁶ do eni dend:

«Oko etëm endako eņo! Oko etëm endako eņo!

Babilon, angol apangak aņ, angol atëm aņ

and bax șudfand banjëm band xaf-xaf do gë bambarax aņ

angol and bax ŷaŷenarand gē kaŷe,
gē oxaŷ oyekax do gē oyeri aŷ! ¹⁷ Apēxēd amat
fo xucak, napul ir go in nemik!»

Dek bēhēreli bēr okuluŷ bēn, đek bēr kēbi
wēlarand okuluŷ bēn, gē bēr kē riyenind gē
okuluŷ bēn, do gē đek bēr kē riyenind gēr
angwēngw bēn xwēšara kēni nacēt ako. ¹⁸ Axeŷ
bani xeŷēnd ga wat kēni okwēcēn ond amēra
oŷ. Are bani rend: «Angol and fe wa hi bax ang
angol atēm aŷo?» ¹⁹ Afanaya bani fanayand gē
obar ok gēr ogaf ga kēni ses do ga kēni renita
mondako:

«Oko etēm endako eŷo! Oko etēm endako eŷo!
Angol atēm apangak and šotēraxēn kēno napul
xali beta kēni đek bēr gē okuluŷ od gēr
angwēngw bēn,

apēxēd amat fo xucak, ata hik ang ladawe fo!

²⁰ Wēn bēr gēr orēn bēn nēngandēraleŷun
gayik angol aŷo anēka yēcarēk!

Bēte wēn bēwēnēk bēn, nēngandēraleŷun
gē oparēxanda ok, do gē bēlaŷwēnel bēn
gayik Kaxanu xitik angol aŷo
nē end ga narēndēra kēŷun!»

²¹ Ata meleka ifangak wēđ ko angaŷ atibax
and wēndēr bax gē angaŷ and kēni hoxixēnēnd
eyamb, do ga lap ko polo gēr angwēngw, re ko:

«Wēj angol atēm and Babilon aŷo,
akēlēbēd amat fo kēni lap mondako,
bētēdin ala axi wat na.

²² Na gēr ndey, bēt din ala aŷi wēl na bēsēmb
bēr bēmangi, gē bēyul,

gē bēfarix bēr bacēroti ba okereloŷ.

Na gēr ndey, ari ar beŷ axo gi na,

bëte din na gër ndey ekëbër ed aŋoxixën and eyamb ax wëli na.

²³ Na gër ndey, bëte din angoben and lambo ax wati na,

ofëna or ekana ax gi na.

Bëfandëran bërey bën hi bax bër banëbi šëkwënd gër ed ex yo gër ebar ro do wëj bayëbi yifand dek benëng bend bela beŋ gë obanji orej iŋ.

²⁴ Ata dek beŋo ki ŋatënëgu gayik oŋat or bëlaŋwënel bër Kaxanu oŋ watik gër ndey, oŋat or bëwënëk oŋ, do gë oŋat or dek bër lawëra kënëbi gër ebar ro oŋ.»

19

End eduwana ed gër orën eŋ

¹ Ga xucak eŋo, wël këmëni amëxwër atëm and bela yaŋ gër orën ga këni xeŋ:

«Aleluya! Apexa aŋ, gë enjaran eŋ do gë panga iŋ,

Kaxanu, Axwën arebi an xwënëk!

² Kiti indexëm iŋ däl ex do ind ŋenene ex gayikako axiti xiti këbi Bëbabilon bëŋacaxik bër bax buyarënënd ebar gë eŋac endebën bën.

Awŋaŋa wŋaŋa këbi gayik bën lawë këbi bëriyenin bërexëm bën.»

³ Ata xeŋ këni bëte akinëm:

«Aleluya!

Okwëcën ond amëra and Babilon oŋ,

din ir din kë ŋëni!» ⁴ Bëxarëk alapem gë bënax bën do gë bebëbëngw bebënax bën foxi

këni gër lëngw ir Kaxanu, mëŋ ar ex gër
añëpara and owun do këni rend:

«Amen! Aleluya!»

⁵ Ata ga wëlik oniw̃ gër añëpara and owun, kë
rend:

«Duwayino Kaxanu, mëŋ ar xwën këbo an,
wën dek bër gapak bën do gë bërëtoc bën,
wën bëriyenin bërexëm bër këŋo fëbënd bën.»

⁶ Ata wël këme ang epuli ed bela bëranjëm fo,
ang oÿëm fo do ang oxëbër osëm or ekëman fo
ga këni re:

«Aleluya! Gayikwa Kaxanu Axwën, arebi an,
mëŋ ar xorëk beÿ dek an anëka wun
ko. ⁷Nëngandëralebo, patëlebo gër ecëkw
edexëm,

Gayikwa ñambëran ind ekana ir anofo in
ñatëguk,

alindaw̃ anëka ko ñatëgund.

⁸ Ayël yël bano exo cuda banjëm band xaf-xaf,
apeşax labëraw këno, bamënëk, band jing-jing.»
(Banjëm baŋo w̃acayak
or şenene or bëwënëk ol.)

⁹ Meleka in fel ke: «Ñëgwël: “Nëngandëralebi
bër w̃ac kënebi gër ñambëran ind ekana ed
anofo bën!”»

Re ko bëte: «Bend këme rend beŋo ex eyeyan
ed dal ed Kaxanu el.» ¹⁰ Ata foxi këme gër osapar
orexëm mo calexën. Bari mëŋ re ko: «Tebël
de, ax gi ex na mondako! Wëno ariyenin fo hi
këme ang hi kën wëj do gë bëmaÿe bëndey bënd
kë reyarand end Yesu Kërisët bëŋ. Poxiyind
eyo cale Kaxanu gabat! Gayikwa osede or Yesu
Kërisët ol ex er këni reyarand bëlaw̃ënel bën.»

End fanac ifeşax eŋ

¹¹ Ata wat këme fol orën ol do fanac ifeşax ga şanayaw ko. Ar yëpaxën baŋo an bano wăcënd «Ar mokrëta», do «Ar dal», gayik mënj kë xitind do kë wërënd gë or şenene ol. ¹² Bangës bandexëm baŋ warëk ang xodux fo, do şëxwa ko oxamote or owun oranjëm. Yëgw këni gër ndexëm oŵac or ala ax nang ex na, angëmëne ax gi ex na mënj gabat. ¹³ Do şudă ko acud and yëmb bani në oşat. Oŵac orexëm ol ex: «Eyeyan ed Kaxanu el.» ¹⁴ Benga bend ocorođa bend gër orën beŋ, şudăra këni banjëm band xaf-xaf, bamënëk, bapeşax, do këno sëfarand moŋëpa yaŋ në opanac opeşax. ¹⁵ Gër etëy edexëm kë şanënd duxuma iŋakax ir këbi saŵaxën benëng bend bela beŋ. Gë or gapak osëm këbi xadac, do ebi bënëra ang këni wëñënd reseŋ ak gër akaraxën andexëm. Ngoy iŋo ex amatinali and oxoŷ osëm or Kaxanu, mënj ar xorëk beŷ dek aŋ. ¹⁶ Gër acud andexëm, do gër emef endexëm yëgw këni oŵac: «Emun end bemun», do «Axwën ar bëxwën.»

¹⁷ Ata wat këmo meleka ga xwëşa ko gër eŋan. Ga këbi yeyaneli dek oşël or bax şëgërand yaŋ gër orën ol, xeŷ ko: «Yowën, barërëgun gër ŋambëran itëm ind Kaxanu! ¹⁸ Yowën enëbi yamb bemun beŋ, gë bemun bend ocorođa beŋ, gë bër fangak bën, gë opanac ok do gë bër yëpaxën babi bën, gë okadëp ok gë bër ax gi ex na okadëp bën, gë bër gapak bën do gë bërëtoc bën.»

¹⁹ Ata wat këmo emacar eŋ, bemun bend gër ebar beŋ do gë ocorođa odebën ok ga fedër

këni enëbi merelixën ar yëpa bax yaŋ gër fanac ifeşax an, do gë ocorođa odexëm ok. ²⁰ Sëra kënëbi emacar eŋ do gë alawënel anëgwëş ar bax rind becarax bend babi nambelind bër şot bax nanganëme ir emacar do bani foxind eni calend gër eñaŵ end edaş edexëm bën. Tak bëxi lap kënëbi bëbëngw gër anjer and xodux, gër ed fëtëk mungu. ²¹ Bër bayik bën lawëra këbi duxuma ir bax şanënd gër etëy ed ar yëpa bax yaŋ gër fanac an. Do dek oşel ol wëndëra këni ga yamb këni beman bendebën beŋ.

20

End bëniy wëli eŋ

¹ Ata wat këmo meleka ga ko fedaw gër orën ga lëkaya ko acoketaya and ambëxw atiŵax aŋ, do gë gweyele-gweyele isëm. ² Na sëra këŋo fato in, andën akarëk and këno wăcënd şabucara, do Sindan aŋ. Fok këŋo gë gweyele-gweyele in xali ex kuca bëniy wëli. ³ Yëkëtëx këŋo polo gër ambëxw atiŵax, sënd ko do şëban ko etëndët el, exo tebaxën enambeli ed benëng bend bela el xali ex tëk bëniy wëli. Do and kë xuca bëniy wëli aŋ, eno tebët ipëxëd.

⁴ Ata wat këme bañëpara band owun. Bër yëparaxën bax bën şot këni or gapak or enëbi kitixënënd bela ol. Wat këme bëte benjëw bend bër şësëk ga fodëtën kënëbi ogaf odebën gë ecëngwa bën, në end ga bani reyarand osede or Yesu, do bani femërand eyeyan ed Kaxanu eŋ. Bën ani poxi bana gër lëngw ir emacar, do gër lëngw ir edaş ed wătinali bano el. Bën

ani ma bana enëbi din nanganëme irexëm in ax gi ex na gër eyiÿ, ax gi ex na gër ataxan. Bën xani bax gër ecës, bakaw këni gër aniyan eni munaxën andamat gë Yesu Kërisët xali bëniy wëli. ⁵ Bëšësëk bëšëxe bën ani kanira bana gër ecës xali xucak bëniy wëli bëñ.

Ekani ed gër ecës eñanar el ex. ⁶ Awa nëngandëraleño, do gilexo aŵënëk ar hik šëf gër bër xanik añanar gër ecës an. Ata bën ecës ekinëm el ojaŵ ax cot ex na gër ola orebën. Barikan ariyenin këno ÿana eno diyeninënd Kaxanu do gë Kërisët ang bëšadaxan fo do eni mun gë mëñ bëniy wëli.

⁷ And kë xuca bëniy wëli añ, Sindan in asebet këno sebet exo canëgu gër epëra edexëm. ⁸ Ašanëgu ko šanëgu ebi nambelixën benëng bend bela beñ ang lëgëra këni gër owebet onax or ebar ak. Benëng beño exëni Gog do gë Magog. Bën kë barërëgu gër emer do eni ñëmb ang edini ed gër angwëngw fo. ⁹ Ata wat këmëni ga šan këni do beñëtar këni dek ebar el. Xul kënëbi bëwënëk bën gër ed barër këni do gër angol and ex pëlot gër yomb ir Kaxanu añ. Barikan fedawëk na xodux elod gër orën do bëlën këbi. ¹⁰ Šabucara in, mëñ ar babi nambelind an, ÿad këno, do lap këno gër anjer and xodux, gër ed fëtëk mungu, gër ed lap kënëbi emacar eñ, do gë alaŵënel anëgwëš an. Mondako këni ÿana eni torond ciš wec polo na din ir din.

End kiti ifelatar eñ

¹¹ Ga xucak eño, wat këmë añëpara and owun atëm apešax do wat këmo bëte ar ÿëpak gër

añëpara and owun aŋo an. Ebar el do gë orën ol šapërek xali bebët abi bayi bana. ¹² Aŋo wat këmëni bësësëk bën, bëjo bër gapak, bëjo bërëtoc, ga xwësara këni gër lëngw ir añëpara and owun. Ar yëpak gër añëpara and owun an ko labëtërand bakayëta, do gë akayëta acëxe, and aniyän aŋ. Xiti këbi bësësëk bën, ang yëgw këni gër bakayëta baŋo ak, ang ebax bandixa bandebën ak. ¹³ Angwëngw aŋ šëpëtëgu këbi bësësëk bër hi bax polo bën. Ecës el do gë wur ir bësësëk in nęcëtëgu kënëbi bësësëk bër lëkaya banëbi bën do ala kala xiti këno ang ebax bandixa bandexëm ak. ¹⁴ Ata ar yëpak gër añëpara and owun an, lap ko ecës el do gë wur ir bësësëk in, gër anjer and xodux. Anjer and xodux aŋo ex ecës ekinëm el. ¹⁵ Lap këŋo bëte bëngënj gër anjer and xodux ar bayik yo oŵac orexëm ani ñëgw bana gër akayëta and aniyän.

21

End orën oxašax do gë ebar ekašax eŋ

¹ Ata wat këmë orën oxašax do gë ebar ekašax. Gayikwa orën oxarëk ol do gë ebar ekarëk el ayëcar yëcar bax, do angwëngw aŋ ax bo bana. ² Wat këmë bëte angol amënëk aŋ ga kë šëlaw elod gër orën ga xaniwëk gër Kaxanu. Angol aŋo ex Yerusalem ixašax in do ang endënaŵ end eñër end yaŋënarak exo ŋataxënd gër icën indexëm fo hi bax. ³ Wël këmë oniŵ or ar yëpak gër añëpara and owun ol ga ko xeÿ:
«Edëg ed Kaxanu el anëka hik mërëxand ir bëla!
Kaxanu wa bar këni edëg el gë bëla bën,

bën eni gi bulunda irexëm do mën̄ exo gi Kaxanu irebën.

⁴ Afëxwëc ko fëxwëc ðek ongwën ond gër ßangës ßandebën oŋ, ecës ax bo na, otes ax bo na, edenitan ax bo na, ayambën ax bo na.

Gayikwa ßend aniyān añānar ßeŋ ax bo ex na.»

⁵ Ata re ko ar ŷëpak gër añëpara and owun an: «Gërëgako ßeŷ bën ðek këme nëngwët ex gi ßebëxaßax.» Re ko ßëte: «Awa ñëgwël ßeŋo gayik enimin ßend mokwëta ðeŋ ex.» ⁶ Aŋo re ko: «Anëka hik mondako! Wëno ex aŷānar an, wëno ex afelatar an. ßëte wëno kë ŷānand, wëno fo kë ñatand. Ar sel këŋo an, arëmbënëgu këmo rëmbënëgu gër añësa and men ond kë yëlënd aniyān, axo yëc na monjëc. ⁷ Eŋo këmo yël ar kë xor an. Wëno Kaxanu këŋo xwën do mën̄ exo gi asëñiwën. ⁸ Barikan ßerëŷiyëk bën, gë ßër gë oŋëpëgënan bën, gë ßër watak ßecusësus bën, gë ßëlaŵ ßër ßela bën, gë ßër watak eñac bën, gë ßëßanj bën, gë ßër xwëtak olaß bën do gë ðek ßënëgwëß bën, er fenan këmëni in ex anjer and xodux do gë mungu. Ejo ex ecës ekinëm el.»

End Yerusalem ixaßax eŋ

⁹ Ata gër omeleka ocongoki od lëkaya bax ßandëmba ßanjongëßaki ßand ŷëm bax gë ßeñigëanaxik ßenjongëßeki ßepelatar ßeŋ, ibat sëka ke exe pelëra. Ata re ko: «Yow mi masin endënaŵ end eñër eŋ, alindaŵ ar anobo an.»

¹⁰ Meleka in wëla ke gë Angoc and Kaxanu aŋ ßëte yaŋ në atënd acakax, do wësin ke angol

amënëk aŋ, Yerusalem in, ga kē fedaw elod gēr orën ga xaniwëk gēr Kaxanu. ¹¹ Enjaraŋ end Kaxanu eŋ baŋo ħoħand, do kē watind ang ekaŷ ekebenaxik, ekaŷ ed kēni w̄acënd ūsasēp, kal-kal ang anangoye fo. ¹² Amēŋ and xecexën bani angol aŋo aŋ, aŷang ŷang bax, bēte aŝak ŝak bax. Owēt epëxw gē oxi hi bax gēr amēŋ aŋo do omeleka epëxw gē oki xwēŝara bax gē ebēt gē ebēt. Do aŷëgw ŷëgw bani omac od ßandëwëra epëxw gē ßaki ßand Bëyisërayel ßaŋ gēr ofëra or owēt oŋo. ¹³ Er hi bax apën-eŋan, owēt osas, ambëng owēt osas, ambëtëb owēt osas, do acëla-eŋan owēt osas. ¹⁴ Er ßay bani amēŋ aŋo gē orëda epëxw gē oxi do nē ekëlan kala ŷëgw bani oŷac oħat or oparëxanda epëxw gē oki od anobo ok.

¹⁵ Ar baxe felërand an, esëyixën lëkaya baxo, oŝët or kaŋe. Gē mēŋ baxo sëyind angol aŋ, gē owēt orexëm oŋ, do gē amēŋ and jey aŋ. ¹⁶ Angol aŋ er hi bax gē owebët onax od gwër fo gwër fo do acakëŝak in gwër fo bax bēte gē aŋangëŷang in. Ata sëyi ko angol aŋ gē oŝët orexëm ol do sëk ko: nē ometër owëli epëxw gē oki. ¹⁷ Meleka in sëyi ko amēŋ aŋ, ata sëk ko nē ometër ofëxw ocongeħat gē oco, ang ebax osëyi or ßela ak. ¹⁸ Amēŋ aŋ ßay bani gē oxaŷ or ŝasēp, do angol aŋ hi bax kaŋe iwënëk, kal-kal ang anangoye amënëk fo. ¹⁹ Edëħa ed amēŋ and angol aŋo el hi bax gē ßapak epëxw gē ßaki, do ŷaŋën bani gē oxaŷ oxëbënaxik: apak aŋanar aŋ gē ŝasēp, akinëm aŋ gē safir, atasën aŋ gē kalësedëwan, anaxën aŋ gē emërod, ²⁰ anjoxën

aŋ gë onikës, anjongamatën aŋ gë sarëdëwan, anjongakinëm aŋ gë kërisolit, anjongatasën aŋ gë beril, anjonganaxën aŋ gë topas, andepëxwën aŋ gë këriscopëras, andepëxw gë amatën aŋ gë tirëkwas do andepëxw gë akinëm aŋ gë ametisët.

²¹ Ofëra epëxw gë oxi oŋ ebax becambas epëxw gë beki, epëra kala ecambas emat. Fëña isëm ir gër angol in ebax kaŋe iwënëk, kal-kal ang anangoye amënëk fo.

²² Aciwĩ and Kaxanu ame wat ex na gër angol aŋo. Gayikwa aciwĩ and Kaxanu aŋ hi këni Axwën Kaxanu, mëŋ ar xorëk beỹ dek an do gë anofo aŋ. ²³ Angol aŋo eñan këm do facawĩ këm ex gayik enjaran end Kaxanu eŋ këŋo ñoband do anofo aŋ ex lambo irexëm in. ²⁴ Benëng bend bela beŋ aliya këni ýana eni diyand gër angoben andexëm, do bemun bend gër ebar beŋ eno mëlanëgund enjaran endebën eŋ. ²⁵ Owët or angol oŋ përarëxe kë ýana ex bayind. Ado dëŋ ala ax përa na gayik gëmëd ax gi na. ²⁶ Benëng bend bela beŋ awëlanëgu këno ýana eno mëlanëgund enjaran endebën eŋ, do gë owun orebën ol. ²⁷ Barikan, ebuyaraxik gebatak ax dıl na gër angol aŋo. Ar watak becusësus, ba enëgwëê axo dıl na. Afo bër ýëgwën kënefi omac odebën gër akayëta and aniyan and anofo bën fo kë lil.

22

End arayan eŋ

¹ Ata meleka in wãsin ke yeb ir men ond kë yëlënd aniyan in. Men oŋo omënëk ebax

kal-kal ang anangoye fo. Afes bax fesënd elod gër añëpara and owun or Kaxanu do gër and anobo aņ. ² Wat këme mërëxand ir fëña isëm ir angol aņo do gër obëņa oki od yeb, atëx and gë odëwërëwen od kë yëlënd aniyen ok. Atëx aņo, facawñ ir ex yo kë rëwënd, mëne ngëņ epëxw gë baki gër iniy. Opat odexëm ok këbi fakënënd benëng bend bela beņ. ³ Eñëņenax ax bo na. Añëpara and owun or Kaxanu aņ do gë and anobo aņ kë hi mërëxand gër angol. Bëriyenin bërexëm bën këņo ÿana eņo calend. ⁴ Awat këni ÿana eni watënd dëxas irexëm in, do oñac orexëm ol exo ñëgw gër oyiñ orebën. ⁵ Ecamëdan ax bo na, do ala ax ñana na ex caland lambo, ala ax ñana na ex caland angoben and eñan gayik Axwën Kaxanu këbi ÿana ebi nõband. Ata eni mun din ir din.

End omakaw ond Yesu eņ

⁶ Ata re ko meleka in: «Bend këmi felënd beņo eyeyan ed däl, ed mokwëta ex. Axwën Kaxanu, mëņ ar këbi yëlënd Angoc andexëm bëlañënel an, lawënëgu këņo meleka irexëm in ebi masindëra bëriyenin bërexëm bën bend kë ñatëgu gogo beņ.» ⁷ Ga re ko Axwën an: «Gogo këme yeli. Nëngandëraleņo ar kë sëfënd ang rek gër akayëta aņo ro ak, akayëta and kë nangënënd gana-gana fo er kë yelind aņ!»

⁸ Wëno Şaņ wëlëk do watëk beņo. And wël këme do wat këme aņ, foxi këme gër osapar mo cale meleka ir baxe wësinëndërand beņo in. ⁹ Barikan mëņ re ko: «Tëbël dë, ax gi ex na mondako! Wëno ariyenin fo hi këme ang hi kën

wěj do gë bëmaÿe bëndey bënd ex bëlaŵënel bën, do gë đek bër kē balēkēnalind bend gēr akayēta aŋo ro bën. Poxiyind eyo cale Kaxanu gabat!» ¹⁰ Ata re ko: «Kērey con na bend ÿëgw kēni gēr akayēta aŋo ro beŋ. Akayēta aŋo kē nangēnēnd gana-gana fo er kē yowēnd in, gayikwa đam ex ex ŋatēgu.» ¹¹ Ar sēmbak an, kemēnalexo kaš-kaš gēr osēmbak orexēm, ar buyarēk an, kemēnalexo exo buyar kaš-kaš. Ar šenene an kemēlanelexo, nēmēc gēr or šenene orexēm, do ar ŵēnēk an kemēnalexo exo men nēmēc!

¹² Gogo kēme yeli do me mēlali acosa aŋ, ala kala mo cos er riyeni ko in. ¹³ Wēno ex aŋanar an bēte wēno fo ex afelatar an. Wēno kē ŷanand bēte wēno fo kē ħatand*.

¹⁴ Nēngandēralebi bër kē nebēnd banjēm bandebēn baŋ ebi ħapaxēn eyamb ed atēx and kē yēlēnd aniyān el do eni đilaxēn gēr owēt or gēr angol! ¹⁵ Barikan canēlexēni fac bër ex ang odaŋēt bën, gē bēbanj bën, gē bēŷacaxik bën, gē bëlaŵ bër bela bën, gē bër xwētak olaš bën, do gē bër ħanēk do ŵēr kēbi enēgwēš bën!

¹⁶ Wēno Yesu lawēnēli kēŋo meleka iram in exo deya osede oram ol gēr đamara. Wēno ex arandēŵēra and Dafid an, wēno ex emal ed kē ħođand oxeya el. ¹⁷ Angoc and Kaxanu aŋ, do gē alindaŵ ar anofo an kēni rend: «Yow!» Do ar wēl kēbi an delexo: «Yow!» Ar sel kēŋo an, tēkawēlexo. Ar ŷandi kēŋo an, dēmbēlexo men ond kē yēlēnd aniyān oŋ, men ond ayēl fo oŋ.

* **22:13** 22.13 Gēr Gerek er ÿëgw kēni: «Alēfa» do gē «Omega», iñëgw iñanar iŋ do gē ipelatar iŋ.

Eŋata el

¹⁸ Wëno Šaŋ, gë obal osëm këme reyand gër ar kë wël yo eyeyan ed bend beber kë yowënd ecan ecan do yëgw këni gër akayëta aŋo beŋ: ar kë baš yey an, Kaxanu eŋo baš beŋigëanaxik bend yëgw këni gër akayëta aŋo beŋ. ¹⁹ Do ar kë bašëta yey gër eyeyan ed gër akayëta aŋo an, Kaxanu abašëta ko bašëta bëte ošet orexëm or atëx and kë yëlënd aniyan ol, do gë ošet or angol amënëk or yëgw këni gër akayëta aŋo ol. ²⁰ Ar ex sede ir bend däl beŋo an kë reyand: «Iyo, gogo këme yeli! Amen! Yow Axwën Yesu!»

²¹ Awa Axwën Yesu yëlëlenun wën dek oyekax orexëm ol!

Oniyan
Oniyan: Oniyan (New Testament+)

copyright © 2017 Wycliffe Bible Translators, Inc.

Language: (Oniyan)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

8b7902f3-5e35-5b89-86b2-c6da1be458b9